

सानसेयारि 'बड'सा' खौरांलाइयाव
समाजयारि जिउजो लोखा थावाय रायथाय, खन्थाय,
सल', सल'बाथा आरु दावबायारि थावनि, पार्क
बाइदिनि स्यायाव लिर्नाय लिर्बिदां बैथाय हर/
सानसेयारि 'बड'सा' खौरांलाइया खेबखानावे
फोखावगेव।

बड'स्यायाव लिर्हरनायनि हुबा खालाम,
'बड'सा' खौर नोथां, जो बयबो आंगो खालाम।

सानसेयारि बड'सा मावखलि

माइबं नोगोर, जोहोलाव दैमाल लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Tuesday ★ 20 October, 2020 Kokrajhar, BTC, Assam ★ Vol.- 30, Issue No. 206 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

गुवाहाटी नोगोरमानि राइजो-राजाफोरनि थाखाय 'मुख्य मन्थि सहज गृह' निर्माण बिथांखिखौ बेखेवबाय गिबि मन्थिआ



दिसपुर, 19 अक्ट'बर: आसामनि गिबि मन्थि सर्वानन्द सनवालआ दिने आसाम एडमिनिस्ट्रेटिभ स्टाफ फरायसालिमायाव खुं नाय मोनसे हाबाफारियाव 'मुख्य मन्थि सहज गृह' निर्माण बिथांखि 'मुनि मोनसे बिथांखिखौ गोजोने बेखेवना होबाय। गुवाहाटी नोगोरमा जौगाखां बर्ड आरु गुवाहाटी पौर निगमनि जुथाय बाञ्जायनायाव लानाय बे बिथांखिनि गेजेरजो गुवाहाटी नोगोरमानि थागिबिफोरा 670 बर्ग मिटर (2.5 खथा) सिम हायाव मोनै थाखो न' लुफुनायनि थाखाय

दुलाराय आसाम लुफुंग्रा मावफारि गौथुमआ लेबारफोरनि थाखाय अन्साय बिथांखि थिसनो दाबि खालामदों

कक्राझार, 19 अक्ट'बर: राइज्योनि गेजेराव लुफुंग्रा लेबारफोरनि थाखाय जौगानाय आरु अन्साय बिथांखिफोरखौ गाहामै थिसनायनि दाबि खालामदों अल आसाम सतुबुंज कनस्ट्रक्शन वाकार्कस इडिनियनअ। समबाखालि कक्राझार जिल्लानि जेडि रज्जो नांजाबनाय नाराबारियाव थानाय दुलाराइ आसाम सतुबुंज लुफुंग्रा मावफारि गौथुमनि


गागि रांखान्थिगिरि ड० जयन्त माधबनि रुंसारि जानायखौ गिबि मन्थिआ दुखु फोरमायदों

दिसपुर, 19 अक्ट'बर: गागि रांखान्थिगिरि, एसियान डेभलपमेन्ट बैंकनि बारग' सामलायगिरि, नेउफिन बारग' आफादगिरि ड० जयन्त माधबनि रुंसारि जानायखौ गोथो दुखु मोन्नाय फोरमायदों गिबि मन्थि सर्वानन्द सनवालआ। दिने मोनसे रादाव

जायगायावनो गोनांथि जानाय गनायथिखौ मोनो हागोन। बे हाबाफारियाव गिबि मन्थिआ गुवाहाटी नोगोरमा जौगाखां बर्ड हा बायनायनि गनायथि बिथिडव हेंथा गैथे फोरमानलाइखौ अनलाइननि गेजेरजो जगायथाय होनायनि थाखाय थियारि खालामनाय मोनसे पर्टेलखौबो बेखेवनाने होनाय जायो। गिबि मन्थिआ मोनै बिथांखिनिफ्राय सानै मुलाम्फायारिफोर गौतम बर्मन आरु अतुल बसुमतारिनी न' लुफुनायनि गनायथिलाइ आरु हा बायनायनि हेंथा गैथे फोरमानलाइखौ गथायनाने होयो। हाबाफारियाव बिबुंथि लाखिनानै गिबि मन्थि सनवालआ बुडोदि, हादतनि गेजेरावो गिबि सहर हिसाबे (□ 5 बिलाइआव)

बिबुंसारिनि गेजेरजो गिबि मन्थि सनवालआ बुडोदि, बिथाड थानानै थानाय समाव जॉनि रांखान्थि (□ 5 बिलाइआव)

आसामाव कभिड-19 जों सा 7 सुबुंफोरनि जिउ गोमाबावदों



गुवाहाटी, 19 अक्ट'बर: दासान्दि मुलुगनाडेनो गिखुंथाव कभिड-19 नि साग्लोबनाय समनि गेजेरावो आसामआव सोल्लोथाय फसंथानफोरखौबो बेखेवफिनो थांखि लानाय बुब्लियावोवो राइज्योयाव कभिड-

आसाम-मिजराम सिमनानि जाथायखौ गाहाय मन्थिजों गिबि मन्थिआ सावरायदों

दिसपुर, 19 अक्ट'बर: काछार जिल्लानि आसाम-मिजराम सिमायाव दासान्दि सोल्लियाव दुहाव थासारिनि सोमोन्दायाव गिबि मन्थि सर्वानन्द सनवालआ दिने गाहाय मन्थि नरेन्द्र मदिजों टेलिफनआव गासैबो जाथायनि बाश्त्राफोरखौ मिथिहोदों। सावरायनाय समाव गिबि मन्थिआ काछार जिल्लानि लाइलापुर ओन्सोलाव नुजाथिनाय थासारिनि सोमोन्दायाव गाहाय मन्थिनो आबु बाश्त्राफोरखौ मिथिहोनायनि अनगायैबो बेनि सोमोन्दायाव मैया मिजरामनि गिबि मन्थि जराम तांगाजों गोनांथारै सावरायलायनाय (□ 5 बिलाइआव)

सा-सान्जायाव सोल्लोथायखौ जौगाहोनो थाखाय ब्रिटिस काउन्सिलआ एनइसिजों रादाय खालामसिगोन

गुवाहाटी, 19 अक्ट'बर: सा-सान्जा भारतनि राइज्योफोराव सोल्लोथाय सेक्टरखौ बांसिनै फोजीखांहोनो थाखाय ब्रिटिस काउन्सिलआ नर्थइष्टर्न काउन्सिल एनइसिजों थाबैनो मेमरेन्डम अफ आन्डारस्टेटिन्ड थामहिनबा एमअइडनि रादायाव सहि खालामसिगोन। दिने ब्रिटिस सरकारनि थान्देफोर आरु उनार मन्थि जितेन्द्र सिंनि गेजेराव मोनसे भिडिअ कन्सारेन्स मेल जथुमनायनि गेजेरजों बे गोनांथार आयदानि बागै फोसावना होदों।



मन्थि जितेन्द्र सिंआ सा-सान्जा भारतनि गासै राइज्योफोराव बिगियान आरु सानखान्थि फोरोंथायनि थाखाय सोल्लोथाय सेक्टरखौ फोजीखांहोनो गोरोबथा खालामनो थांखि लानायनि थाखाय (□ 5 बिलाइआव)

केन्द्रीय आरु नबदया फरायसालिफोरा खुलिफिनो थाग थियारिसै



दिल्ली, 19 अक्ट'बर: गिखुंथाव कभिड-19 साग्लोबनायनि जाहोनाव दुलाराइ मुलुगजों लोगोसे भारत हादतयावबो थानाय 7 दाननिफ्राय बन्द' जानानै थाबोदों गासै फरायसालि फरायसालिमा आरु सोल्लोथाय फसंथानफोरा। नाथाय करना भाइरासनि दौहोआ जोबस्तावे समनि गेजेरावो भारतयाव फरायसालि आरु सोल्लोथाय फसंथानफोरा खुलिफिनो थांखि लाबाय सरकार। बे हिसाबै फरायसालि आरु सोल्लोथाय फसंथानफोरखौ बेखेवफिनानि थाखाय दासान्दि (□ 5 बिलाइआव)

डिटेन्स केम्पआव थानाय बांला रावआरि सुबुंखौ थाबैनो उदां खालामनो फरायसा आफादिनि दाबि

गसाइगाव, 19 अक्ट'बर: थार भारतनि नोगोरारि जानायनि गेजेरावबो फाव फान्दायनाय महराव बांला रावआरि एम्सि हरिनि सुबुंखौ डिटेन्स केम्पआव बन्दि खालामनानै दोन्ना हालाइ-हाफाय खालामनायजों लोगोसे ब्रिटिइडियाव थाबोनाय बांला रावआरि एम्सि हरिखौ एनआरसि-डि भयारनि मुडाव गोबां हालाइ-हाफाय खालामनायनि अजद खालामदों

दुलाराइ आसाम एससि फरायसा गौथुमनि ब्रिटिस ओन्सोल आफादना। ओन्सोल आफादिनि गाहाय नेहाथारि मितुन चत्रुधरआ गांसे रादाव बिबुंसारिनि गेजेरजों अजद खालामनानै बुडोदि, एससि हरिनि सुबुंफोरखौ भारतनि थागिबि एबा नोगोरारि जानायनि गेजेरावबो आथिखालनि सरकार जेरे-मेरे डिटेन्स केम्पयाव लाखिनानै दोन्नाया जोबोद दुखुनांथाव। (□ 5 बिलाइआव)

39 नं पासनै सेरफां बियाबयाव इउपिपिएल दोलोनि मावफारि मेल माजबाट, 19 अक्ट'बर: फेगौ ब्रिटिस बिसायख 'थिनि अक्ट'खौ फोसावथ 'नाय जायाखैब्लाबो ओन्सोलाव राजखान्थि दोलोफोरनि गेजेराव (□ 5 बिलाइआव)

सालबारियाव इउपिपिएल दोलोआ दाखोर-दाला सिबस्त्रांदों

(बिटिआरआव इउपिपिएल दोलोआ गेना-खान्थि उदां सरकार दागोन: बिनद मुसाहारि)

भवानिपुर, 19 अक्ट'बर: इउपिपिएल दोलोनि सालबारि गुदि आफादिनि बाञ्जायनायाव दिने बागसा जिल्लानि सालबारि महकुमा सदराव मोनसे दाखोर-दाला सिबस्त्रांनय एबा साखोन-सिखोन अभियाननि हाबाफारिखो लानाय जादों। फुनि 9 सिगानिफ्राय जागायजेन्नाय बे साखोन-सिखोन खालामनाय अभियाननि हाबाफारिखौ बेखेवना होयो सालबारि बियाबनि इउपिपिएल दोलोनि बिजाथि आरु दोलोनि सालबारि जिल्ला आफादिनि गाहाय नेहाथारि बिनद मुसाहारिया। फुनि 9 सिगानिफ्राय 12 सिगसिम गांसे 3 घन्टा समसिम बे अभियाननि हाबाफारियाव 1 रोजानिबो बांसिन इउपिपिएल दोलोनि दैदेनिगिरि, मावफारि आरु हेफाजबगिरिफोरबो बाहागो लादोंमोन। साखोन-सिखोन अभियानआव बाहागो लानाय सुबुंफोरा सालबारि महकुमा सदराव थानाय बाजार, सालबारि फरायसालिमा, महकुमा बैंगिरि मावखन्धनि लांगोनाजों लोगोसे माखासे जायगाफोर आरु सरकारि-बेसरकारि फसंथाननि लांगोनायाव थानाय जाबोर-जाथोरफोरखौ सिबस्त्रांनय साखोन-सिखोन खालामनाय जायो।



मख'नो गोनांदि, बे अभियानआव बाहागो लानाय गासै सुबुंफोरा गुबुन गुबुन रोखोमनि स्त'गान होनायजों लोगोसे सालबारि महकुमा सदराव मोनसे साखोन-सिखोननि सांग्रांथिजों हान्जा सुरनाय जायो। लोगोसे सालबारि बाजारनि साखाथि जायगायाव खुंनाय बे साखोन-सिखोन लाखिनानि सांग्रांथि मेलआव बिबुंथि लाखिनानै इउपिपिएल दोलोनि बिजाथि बिनद मुसाहारिया बुडोदि,

इउपिपिएल दोलोनिफ्राय खुंनाय बे साखोन-सिखोन अभियाननि गेजेरजों राइज्योनि दाखोर-दाला सिबस्त्रांनय एबा बोस्त्रांनयजों

लोगोसे साखोन-सिखोन लाखिनानि फारसे सांग्रां खालामनो नाजानाय जादों। (□ 5 बिलाइआव)

दुहाव थासारिनि गेजेरावनो लाहाख्याव भारतयारि सान्थिआ सासे चीना सान्थि हमदों

गोदान दिल्ली, 19 अक्ट'बर: भारत आरु चीन हादतनि गेजेराव थानाय माखासे दाननिफ्रायनो सिमा ओन्सोल जेनाखौ लानानै दरने



हादतनि सिमा सान्थिनि गेजेराव

गोखों मोगा-मोगि जानाय जाथाया नुजाथिनायनि उनावनो भारतनि सान्थिआ लाहाखनि सुमार-देमसक ओन्सोलाव चीननि सासे सान्थिखौ हमदों। सुलुनिफ्राय मिथिनाय बायदिब्ला भारतनि सिमा ओन्सोलाव हाबनफेनाय चीननि सान्थिखौ हमनायजों बेनिफ्राय चीन सान्थिनि आइकार्ड जब्द खालामनो हादों। बेजों लोगोसे माखासे फोरमानथि बेसादफोरखौबो बोखानो हायो।

उदालगुरि, 19 अक्ट'बर: बिटिसिनि खुंथाय गोहोखौ दखल खालामनायनि थाखाय इउपिपिएल दोलोजों लोगोसे बिटिसि बिसायख 'थियाव बाहागो लानाय गुबुन गुबुन राजखान्थि दोलोफोरा नंखाय बाश्त्रा बुंगासिनो। बे बाश्त्राखौ बुंदों बिपिएफ दोलोनि नेहाथारि ड० अन्जलि दैमारिया। दिने 31 नं भेराव बिटिसि परिपद बियाबनि सिडव थानाय सोनाव पटलायाव खुंनाय बिपिएफ दोलोनि मावफारि मेलआव गाहाय आलासि महेरे बाहागो लानानै दैमारिया बुडोदि, थानाय 15

बोसोराव बिपिएफ दोलो आ जेरेबायदि जौगानाय लाबोनो हादों बेखौ बिटिसिनि राइजो-राजाफोर नुनो मोन्दों आरु दासान्दि सुबुंनि अन्सायनायखौ दोलो मावगासिनो। महिलारिनि मोजां खुंथाय सामलायनायनि थाखाय। लामा-दाला निफ्राय जागायनाने सोल्लोथायनि मोनफ्रोमबो बिथिडवनो जौगानायनि महरखौ राइजो-राजाफोरा नुनो मोन्दों। नाथाय बिटिसिनि खुंथायखौ हास्थानायनि थाखाय इउपिपिएल आरु गुबुन राजखान्थि हान्जाय नंखाय बुंनानै दासान्दि बाश्त्राफोरखौ सुबुंफोरनि गेजेराव फोलानो नाजदों। बिथाड बुडोदि, जुदि गोहो दडब्ला बिखायाव आखाय होनाने गुबुन राजखान्थि दोलोफोरा (□ 5 बिलाइआव)

भारतयाव करना भाइरास रोगिनि बिसानआ 75.2 लाखनि बांसिन जाबाय (फेब्रुवारी दानसिमआव एक्टिभ केसआ 40 रोजाल' थाहैसिगोन: देहा मन्थि)

गोदान दिल्ली, 19 अक्ट'बर: भारत हादतयाव दासिम करना भाइरास सन्देरजानाय सुबुंफोरनि बिसानआ 7 लाख 73 रोजा 325 सिम जाहैबाय। बबेखानि हादतयाव दासान्दि कभिड-19 नि सन्देरनाया लान्थिथै खमायबोगासिनो दं। बुब्लियावोवो मिरुनि देहा बिफाननि



मन्थि ड० हर्षबर्धनआ फोरमायदोंदि, साइन्स एन्ड टेक्नलजि मन्थि आफादना मुलुगनाडै बिगियानगिरिफोरजों (□ 5 बिलाइआव)

रुंसारि नलित बर'नि सारादुखौ बुधवारखालि खुंनो लाहार-फाहार

बरपेटा, 19 अक्ट'बर: सारादुखौ खुंनो बे समाव सोलिफु बोसोरनि थानाय सोपेम्बर दाननि 20 अक्ट'खालि बरपेटा जिल्लानि रामपुरनि सिडव थानाय रामपुर गामियाव फेगौ 21 अक्ट'बर बुधवारखालि सानसेनि हाबाफारि लानानै रुंसारि नलित बर'नि (□ 5 बिलाइआव)

सारादुखौ खुंनो बे समाव लाहार-फाहार जादों। बिथांनि जिउमया सोगोंयाव अरायसम जागाय मोनहैनायनि थाखाय फेगौ कार्कि दाननि 4 खालार एबा सोलिफु अक्ट'बर दाननि 21 खालाराव रुंसारि नलित बर'नि (□ 5 बिलाइआव)

सुजुगिरिनि खोलोम

बिसायख 'थि फोसावदिंनाय

दासादि गोदाने मुं मोनाय बिटिआर एबा बड'लेन्ड टेरिटरियेल रिजनआव बिसायख 'थिनि बार बारगासिनो दड। दिनैसिम बिसायख 'थिनि समफारि फोसावदिंनाय जायाखेब्लाबो नाथाय बिसायख 'थियादि फैगो डिसेम्बर दाननि गेजेरावनो खुंजागोन बेखौ गोबाडानो हमनानै लाबाय। बेखायनो जानांगो बिटिआरनि राजखान्थि दोलोफोरा बिसायख 'थि दावहायाव बारसोमनो साखा-फरा जानानै फोसावदिंनायाव नांथाबनाय नुनो मोन्दें। पर्वतझरानिफ्राय भैरबखुन्डसिम गुबैयै इडपिपिएल आरो बिपिएफ दोलोनि दैदेनगिरि, मावथि, मदतगिरि बयबो फोसावदिंनाय मेल खुंनानै राइजो-राजा भटारफोरनि गोसो जै खालामनो नांथाबदें। राइजो-राजा भटारफोराबो लैहोर लैहोर फैनानै फोसावदिं मेलफोराव बाहागो लाफेनायबो नोजोराव गोलैदें। गुबैयै मोन्ने दोलोनि गेजेरावनो बिसायख 'थि रोनि जागोना रोखा जादोंब्लाबो बे खेबयाव हारियारि बोखाव खान्थिजों राजखान्थि गेलेबोनाय माखासे थाखोनि हान्जाखौ दासिम बिसायख 'थिनि मैखोम बिफाव लानाय नुनो मोन्नाय जायाखै। अदेबानि सम सम खौरां बिजोफोराव बिटिआर खुंथाय सामलायनायनि दाबि खालामनायबो नुनो मोनो।

दाब दाब ओन्सोलफोराव खुंनाय बिसायख 'थि फोसावदिंनाय मेलफोराव मोनसेया गुबुन मोनसेखौ सोंखारिनाय, मोनसेनिफ्राय गुबुन मोनसेयाव गोदान सोद्रोमा महरें हाबफेनायनि बाइदिसिना खौरां दाबि खालामनायबो नुनो मोनो। फैगो डिसेम्बर दानाव बिसायख 'थि खुंनानयनि थि राहा लामारोब्ला बिसायख 'थिया गेजेराव दान मोनसेल' आद्रा सम दंबावसै। बिबिद थासारिनि गेजेरावबो दासिम बिसायख 'थिनि थि समफारि फोसावयैआव गोबांनवनो गोनो गोथो मोन्नाय सौफेदें। इडपिपिएल दोलोनिफ्राय फैगो नभम्बर दाननि गेजेरावनो खंनयाखौ लुबैनयावो फोरमायनाय नुनो मोन्दें। बेनि सिगां बिपिएफ दोलोयाबो राइज्यो बेंगिरिनि खुंथाय जोबनायनि सिगांनो बिटिआरनि बिसायख 'थि खुंनानो होन्नानै बाइदिसिना रोखोमनि हाबाफारिजों सोमावसारनानै दाबि दैखांबोदोंमोन।

बेराफासैं दासादि हदतजों लोगोसे राइज्योयाव करना भाइरासनि सन्दरेनाय आरो गोसारनायाव एसे जिमायनाय फेदें होन्नानै हदतनि देहा मावख 'या फोसावदें। बिफानारि मावख 'नि बादियैब्ला करना भाइरासआ फैगो बोसोरनि फेबुवारी दानसिमनि गेजेराव सन्देरा हौनो हागो होन्नानै मिजिंथि होदें। लासैयैनो जिमायलानो लायोब्ला बिटिआरनि बिसायख 'थि खुंनैनायावबो गोब्राब जेना फेनाय नड होन्नानै हमदानो हायो।

दिनैनि फानजायुधि

राशि बाइदियै मुंनि गिबि हांखो

मेष : अ ल बृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेष: जेखि मावा रांखावरनि आय खालामनो हागोन। फालांगि मावग्राफोरनि थाखायबो मोजां।

बृष: इयुनि थाखाय नांगो जानाय मुवाफोरखौ बुधुमनानै लानो हागोन। गोसोखौ सांथि मोनगोन।

मिथुन: गोसोआव बायदिसिना सान्नाय फेनो हागौ। जिगा सिनाया बारा जानो हागौ। गोसो हमथा।

कर्कट: मोजां खामानिफोर मावनानै लानो हागोन। नखर संसारा गाहामाव फैगोन। शुभ सान।

सिंह: सोरनिबा अन्नायाव मुवा मोनो हागौ। मुलाम्फा मोनो हागोन। मोजां सान।

कन्या: मानिबा थाखाय गोसोखौ सांथि मोनै मोनबाय थागोन। जेरावबो धैय गैयै मोनगोन। गोसो हमथा।

तुला: मानिबा थाखाय रांखावरि खरसा खालामनानो हागौ। सानै -हयै बाहायनाया गाहाम।

वृश्चिक: जेखि जाया मोजां खामानियाव आगान सुरजेनो हागोन। मुलाम्फा मोनानयनि आसा दड।

धनु: माखौबा लानानै जिगायाव गोलैनो हागौ। गोसोखौ हमथानांगोन। गात्रि सान।

मकर: सोरजोबा बायदिसिना होन्नानै अपमान होजाबायनो हागौ। गोसोखौ हमथा।

कुम्भ: फारफोमथिनिफ्रायबो मोजां जेखि जाया मावनानै लानो हागोन। मुलाम्फा मोनगोन।

मीन: मोजां रोंगथिनि थाखाय मान मोनो हागौ। माबा मोनसे बांथाबो मोनो हागौ।

॥ निखाउरि मोदाइ आरो राजखान्थिआरि दैदेनगिरिफोरनि बिफाव ॥

रत्नेश्वर बसुमतारि

7670001654

सिरां जिल्लानि टुक्राझार जौसिन फरायसालिनि जि थाखोनि मेलेम गोनां फरायसा सुबुंसार नार्जारीया गावबा गावनि बारहानो लानाय जिउखौ फोजोबझांना लानाय जाथाइया आंखौ जोबोर गोथोयै दुखु मोनहोनायनि अनगायैबो सरकाररि खुंथाइ बिजाथि आरो सुबुं समाजनि बागै गुबुयै जौनि बर' समाजनि बागै रागाजोंखानाय आरो रायखानो गोनां खालामदें। बे जाथाइयाव जोबोर सानोगोनां आरो बिजिरना नायनोगोनांदि भारतआ उदांमि जानायनि बोसोरि स्निजि बारलानाय उनावबो भारतरि सुबुं समाजाव दुखिया निखाउरिनि सुबुंनि अन्जिमाया खमायलाडाखै बारायलादोंसो। फंसे बाश्रायाव बुंनो थाडोब्ला जौसेनि 70 बाहागोआनो दुखिया निखाउरि थाखोनि।

जों बयबो मिथिगौ दि बयबो मानसिनोना थाना थानोब्ला मोजोमसे ओंखाम, जिख्लाबसे सि आरो अखा- सान्दुनिफ्राय रैखाथि मोनो न'-बां नांथागौ जायो। नाथाय सानो गोनां बाश्रायाव जाबाय जौनि भारत हादतयावबो सुबुं हामलाय होग्रा सरकार थासैआवबो समाजनि गासै थाखोनि गुबुयै लोरबां दुखिया थाखोनि जायखि जाया हारि हारिसा सुबुं समाजनि मानसियानो जैरेबो जेथिबो दावगा लानायनि खबु एबा सुबिदाफोरखौ मोनजोबनो हायाखै। बिदि लोरबां निखाउरि थाखोनि फरायसाफोरा आधिखालाव सोलेंथाइ लानो हाथायाव कम्पिउटर, लेपटप, इन्टरनेट, स्मार्ट मबाइल आरिनि आंखालावबो दिनैनि सौलंथाइलानो हाथाव राहाफोरखौ रां-रुफानि आंखालाव लानो हाथाव। बेराफासैंथि भारत सरकार हादतनि बयबो गथ'-गथाइनो सोलेंथाइ लानो हानाय मोनथायनि खोथा फोसावबोदें। नाथाय मोगथाडव बै थांखिखौ जाफुंहोने हायाखै।

दिनें गासै बुधुमनां करना भाइरासआ गाग्लोबनायनि जाउनाव जेरावबो हजार हजार, लाख लाख मानसिफोरनि अबथिरा जिउजोबलानाय उनाव बे गिथाव-बाथाव बेरामनिफ्राय बारग' होनो थाखाय लकडाउन होनाय लोगो लोगो फालांगि फंसथान, बेसाद दिहुन्नाय, फान्नाय-बायनाय कारबारफोरा बन्द जालानायनि जाउनाव रांखाथिनि मन्दा बिथाथि जाबोदें। लोगोसे स्कुल, कलेज, इडनिभासिंतिफोरखौबो बन्द खालामना लाखिनो गोनां जानायाव फरायसाफोरा समनि सोलेंथाइ लाना दावगालानायव जैरेबो- जेथिबो हेंथा सोमजिनायाव सुख'नो हाथाव खहा जाबोदें। फंसे बाश्रायाव बुंनो थाडोबोला गासै थाखोनि आरो फेसानि सुबुंफोरानो गावबा गावनि फेसा मथै मावना जानो मोनियाव होरलां-होरथां जानो गोनां जादोंसै। बे सुखुथावै गोजोनथावै थासारिनि मोगा-मोगि जानाया गोनां जानथाव बे गिथाव-बाथाव करना भाइरासजों जुजिनोब्ला एबा बेनि गाग्लोबनायनिफ्राय बारग'नोब्ला खुगा-गन्थ' खोबथेनाय मास्क गान्नाय, ससियेल डिस्टेन्स मानिनाय सेनिटाइजर खालामनाय राहानि अनगायै मोनबो राहा गैथारा। लोगोसे गावबा गावनि सोलेरनि बेराम होबथा हानाय गोहो (इमिउनिटि) बांहोनो बायदिसिना जानाय आदारफोरखौ हाजासे जानाय लोगोसे 'Yoga'

खालामनाय सर' खालामना गावखौनो सोलेयादि, लोगोयादि, दोहोरुमयादि, गोहोगोरा साबजाथाव हामजाथाव खालामना बे बेरामनि गाग्लोबनायनिफ्राय बारग'नायनि थार राहा।

दानिया फैनोसै फरायसा सुबुंसार गोदोनायाव दोलें होनानै अबथिरा, थैलांनोगोनां जानायनि थाखाय सिप्रांगो बिमा-बिफाया लोगोसे नख 'रनि मानसिफोरखौ दायनिगिरि खालामथाव। बेनि उनाव जा फरायसालियाव फरायसाया फरायदोंमोन बे फरायसालिनि फोरोंगिरिफोरा गाहाइयै गाहाइफोरोंगिरि गोरायुड गामिनि दैदेनगिरिफोर, रां-रुफागोनां मानसिफोर, बर' फरायसा आफादिनि मावथि दैदेनगिरिफोर आरो जोबथानायाव सरकार थामहिनबा बिटिएडिनि/बिटिआरनि गाहाय हाग्रामा महिलारीखौ हमफाना गासै इ.म आरो एम.सि.एल लोगोसे बर' एबा एमएलए, एमपि आरो साथाम आसाम सरकारनि मन्थ्रिफोरा गावबा गावखौ सुबुंसार थैनोगोनां सोमजि खानाय बिथाथिनि थाखाय दायनिगिरि होन्ना सिमान लायोब्ला-इयुनालागि सुबुंसार बादि गैजारोडै दुखिया निखाउरि नख 'रनि रावबो मेलेमगोनां फरायसा थानो जानो न'-बां आरो रां-रुफानि आंखालाव अबथिरायै गावनि जिउखौ फोजोबझांना लानो गोनां जानाय नड। आं रावखौबो दायनिगिरि खालामनो लुबैयाखै। नाथाय समाजाव थानाय साफ्रोमबो सुबुंनि बागै जों साफ्रोमबो नोगोरारिहा थानाय बिबान आरो मावनांगौ हाबानि खोथाखौसो सांग्रां खालामनो आरो बुंथिनो नागिरनो थानायावसो दायनि खोथाखौ अजद दैखानोगोनां जादें।

गिबियावनो सुबुंसारनि बिमा-बिफाखौ जों दायनिगिरि होन्ना बुंथिनो नांगोन मानो होनोब्ला जुलि लाब्ला' जानाय नड, जुलिनि उनाव जोनोम होनाय गथ' गथाइखौ मोजांयै जाहोने लौहोने गानहोने, जोमहोने हानांगोन। दुगैयै लोबै गेदेर गोलाव खालामना उदै बैसोनिफ्रायनो गथ' गथाइनि सावस्रिखौ गोगो देहानि साबखां होनाय, फरायसालियाव फराय होनायाव जोबोर सांग्रां जानाय, जोथोन लानाया साफ्रोमबो बिमा बिफानिनो गिलरि बिबान। बेंफोरनि थाखाय नख 'रनि रांखाथि बिथाथिखौ जैरे हागौ गोगोम आरो सावखां होनो नाजानाया बिमा-बिफानि मावनांगौ बिबाना गिलरिथार। मानोना रांखाथि बिथाथिया मोजां नडब्ला गथ'-गथाइखौ सोलेंथाइ लाहोनायाव थोजासे रांखाथिनि गोनां जाहैयो। जों नुनो मोनो गोबां नख 'रनि बिमा-बिफाया एबा बिगुमाफोरानो इयुनाव जानो गोनां बेराम-खामाराव आरो गथ' गथाइनि सोलेंथाइ लानायाव गोनां जाहैने हानाय रां-रुफाखौ मोनस'नो रां दोनधुमनो हाथाव समाव गरसेबो फेसा दोनधुमलाडैयाव थामहिनबा नायै, बेदेरै, जौयै जाजोबनायाव एबा दाउब'फोरबादि जेसेनो मोनो हेसेनो उदै बुगर बुगर जानाय आखलनि थाखायनो गोबां बर' नख 'रानो रां-रुफा गैजा रोडि जानाडो। बिनिखायनो आधिखालाव अनलाइजों सोलेंथाइ लानो आरो आन्जाड होनो बाहायनाय राहाफोरखौ जैरे कम्पिउटर, लेपटप, एनडूइज स्मार्ट फन आरिखौ गावबा गावनि गथ' गथाइनो जगायनो हायाखै। मानोना बेफोर बेसाद बायनो रोजा रोजा गोबां रांनि गोनांथि जायो। गुबैयै स्मार्ट मबाइलनि बेसेना खमैबो 7-8 रोजा रां नडब्ला बायनो हाया। बिदिब्ला सुबुंसारनि बादि दुखिया नख 'रनि बिमा-बिफाया जायहा बायह'-जिहं' न'-बां बिदि बोथिसे जाना बोथिसे रान्ना थानाय बिगुमाया

बोरें, मा राहाजों एसेबां रोजा रोजा रां खरसा खालामना बायनो खालायखो? हागौमानि बिमा-बिफाया आं गोजौआव बुंनोनाय बादि रां बुधुमनाय-दोनधुमनायाव सांग्रां आरो सोलोगोरा जानायमोनब्ला दिनैनि मुगायाव 7 हजार रांनि स्मार्ट फन होना सुबुंसार फरायसा मेलेमगोनांथार, फरायसाखौ नख 'रा एबा सुबुं समाजआ बेसेन गोनां सुबुंउरि सम्पाद हिसाबै मोनो हागौमोन। नाथाय मेलेम गोनां बेसेन गोनां सुबुंसारखौ जों सानस'ना मोनदाइखैसै। बेनि थाखाय जों सुबुंसार फरायनाय टुक्राझार जौसिन फरायसालिनि मेनेजिं कमिटि फोरोंगिरिफोरखौ गुबैयै फरायसालिनि गाहाइ फोरोंगिरि गोरायु बिथांमोनखौ जौनि नोजोराव बांसिन दायनिगिरि होन्ना बुंथारनांगोन। फरायसालिनिनो सोरबा सासे फोरोंगिरिया मिडियायाव बुंफोरनाय नुदोंमोन। बिथाड बुंनाय बादिब्ला सुबुंसार मेलेमगोनां (Minterius) फरायसामोन। बोसोरारि आन्जादफोरा 70% निफ्राय 80% निबो बारा नाम्बार मोनबोनाय खोथाखौ फोरमायदोंमोन।

गौजौआव बुंथिनाय फोरोंगिरिनि खोथाखौ खोनानै लोगो लोगो गोबां बाश्राया आंनि गोसोआव जाखां फेदोंमोन। बेफोरनि मादाव गुबै खोथायानोमोन आधिखालाव जों बयबो मिथिखगौ दि सरकारि फरायसालिआवनो जा, प्राइभेट फरायसालिआवनो जा फरायसालिखौ मुंदांखा खालामनो जुनै जा एबा फरायसाफोरखौ थुलुंगा होनायनि थाखायनो जा फोरोंगिरिफोरा फरायसाफोरखौ बायदिसिना लामादिन्थिनायजों, बोसोन होनायजों जोबोर मदद आरो गाइड होनाय नुनो मोनो। बिबिदयाव सोरबा जोबोर मेलेमगोनां फरायनायाव गोसो मोदोम होसोमना नाजानाय फरायसाफोरखौ माब्लाबा एखुथिया जोथोन लानायबो नुनो मोनो। जोबोर दुखिया नख 'रनि मेलेमगोनां सुबुंफोर जायहा नायल'जाल' फरायसा सासेखौ बियो फरायनाय फरायसालिनि फोरोंगिरिफोरनि मादाव हेडमास्टारबो अनलाइजों सोलेंथाइ लानाय आरो आन्जाद होनो स्मार्ट फन जगायना होनो हायैआ बै टुक्राजार जौसिन फरायसालिनि थाखायल' दुखुनाथाव, लाजिनांथाव नड दुलाराइ बर' हारिनि थाखायनो दुखुनांथाव आरो लाजिनाथाव खोथा।

रां-रुफायाल' गेदेर नड सुबुं सम्पादआसो बांसिन बेसेन गोनां। फंसे बाश्राया सुबुं सम्पादखौ रांजोबो बायनो मोना। जौनि नोजोराव टुक्राझार फरायसालिनि मेनेजिं कमिटि आरो फोरोंगिरिफोरा फरायसा समाजनि बागै फोरोगुरु हिसाबै गावसोरनि बिबानखौ गोसोगोथारै बानसनायमोनब्ला बिदि जाथाइया जाखाडामोन बुंजायो। रावबो नडब्लाबो स्कुलनि गाहाइफोरगिरिया मेलेमगोनां होन्ना मिथिनाय दिननिफ्राय आरो बेराफासैंथि फरायसानि नख 'रा दुखियाथार होन्नानै मिथिनाय दिननिफ्राय बे आंखाल आरो जायखिजाया जेनानिफ्राय बारग'नाय राहा होन्नानै सोलेंथाइ लानो हानायनि बागै गाइड होनांगौमोन। नाथाय मिथिनो मोननाय बादिब्ला फोरोंगिरि बिथांमोना मोनबो सावजाथाव आरो बनजाथाव जोथोन लायाखैसै। जायनि जाउनाव सुबुंसार अनलाइनजों सोलेंथाइ लानो मोनियाव आरो आन्जाद होनो हायियाव गावनि दावगालानाय लामाखौ खोमसि बादि नुहुरनायाव मानसि हिसाबै थाना थानायनि ओंथिखौ दांग्रोमना मोनाखैसै। जाउनाव गावखौनो गाव सिथारना लानायसै। (उ न बिसानाय)

उड़गुर मुसलमानफोरखौ गादबनायनि हेंथायै चीननि राजथान्दै मावख ' बाइजोआव धर्ना

वेंकुवर, 19 अक्टूबर: उड़गुर मुसलमानफोरनि क्रूर दमन आरो सानै कानाडानि सुबुंफोरखौ जिम्मायाव लानायनि हेंथायै थानाय रबिबारखालि आरोबाव खेबसेयै रोजा रोजा सुबुंफोरा चीननि सरकारनि हेंथायै धर्ना होनायाव बाहागो लायो। बे समाव धर्ना होग्राफोरा उड़गुर मुस्लिम फोलेर आरो गुबुन हारियारि आफादफोरनि हेंथायै चीननि सरकारनि गेजेरजों खालामनाय बिजिरनायनि हेंथायै वेंकुवरआव थानाय चीननि



राजथान्दै मावख 'नि बाइजोआव थोंजोडै धर्ना खालामो। बे धर्नायाव चीननि हेंथायै स्लगान होयो। बे धर्नायाव सा 500 निखुइ बांसिन सुबुंफोरा बाहागो लायो। बे धर्नायाव गासै धर्ना होग्राफोरा मास्क गान्नायजों लोगोसे ससेल डिस्टेन्सिनि नेमखौबो फालियो। बेनि सिगांबो वेंकुवरआव तिब्वतनि थागिबि आरो भारतयारि फोलेरनि सुबुंफोरजों लोगोसे गुबुन गुबुन आफादफोरनि सोद्रोमाफोरा थानाय 26 जुलाइआव वेंकुवर आर्ट गेलारीआव चीननि राजथान्दै मावख 'नि खाथिआव चीननि हेंथायै धर्ना होदोंमोन। बे धर्नायाव बाहागो लानाय आफादफोरनि गेजेराव कानाडा तिब्वत कमिटि आरो तिब्वती फोलेर, फ्रेंडस अफ कानाडा आरो इन्डिया ऑर्गनाइजेशन, ग्लबेल पिनय डायस्परा कानाडा, वेंकुवर ससाइटि अफ प्रीडम, डेमक्रेसि एन्ड चाइनायाव थानाय सुबुंथियारि मोन्थाय आफाद, वेंकुवर ससाइटि आरो वेंकुवर उड़गुर एस 'सिएसनआबो दंफायोमोन।

भारतआव इन्ट्रानैजल करना भेक्स्मनि जोबथा आन्जाद नायनाया जागाय जेनबाय

गोदान दिल्ली, 19 अक्टूबर : भारतआव करना भाइरास इनफेक्सनआ लासे लासे खम जालांदां। देहा मन्थ्रि हर्षबर्धनआ बुंदें भारतआव सीरम इनस्टिटुट अफ इन्डिया आरो भारत बायटेकआ फैनो गोनां दानयाव इन्ट्रानैजल करना भेक्स्मनि जोबथा आन्जाद नायनाया जागाय जेनगोन। जोबथा खोलोबनि आन्जाद नायनायाव रोजा रोजा

बादायारिफोरा बाहागो लायो। बेनि सिगां भारतआव रुसनि करना भेक्स्मनि क्लीनिकेल ट्रायल नायनो गनायथि होनाय जाखांबाय। बिगियानगिरिआ गुसु बोथोराव करना इनफेक्सन बांनानयनि सन्देह खालामनायखौ फोरमायदें। जरखाफोरनि बादिब्ला भारतआ 2021 नि फेब्रुवारी दानयाव करनाखौ सामलायनो हागोन। बनि थाखाय गासिबो रैखाथि

नेमखान्थिखौ फालिनांगोन। भारतआव सेप्टेम्बर दाननि गेजेरावना करना इनफेक्सना जोबथा खोलोबयाव सौहै दोंमोन। फैनो गोनां बोसोरनि जागाय जेन्नायाव बेखौ फुरायै सामलायनो हागोन। रिपटयाव बुंदें जुदि मार्च दानाय लकडाउन होयामोनब्ला जुन दानावनो इनफेक्सनआ बांसिन गोसारगौमोन।

आसामनि उनाव छतिसगड़आव

खामानि गैथैनि बिबाडा बयनिखुइ

खमसिन, उत्तर प्रदेशआव 4.2 जौखोन्दो


रायपुर, 19 अक्टूबर: छतिसगड़आव खामानि गैथैनि बिबाडा बे बोसोरनि सेप्टेम्बरआव दावखलायनानै 2 जौखोन्दो जाहैयो, जाय माहारियारि बिबाडव 6.8 जौखोन्दोनिखुइ खमसिन। हादरनि सहारनि ओन्सोलफोराव बेनि बिबाड 7.9 जौखोन्दो आरो गामियारि ओन्सोलफोराव 6.3 जौखोन्दो। सेन्टर फर मानिट रा इन्डियान इकनमीनि फार्सेनिफ्राय हादरआव खामानि गैथैनि थासारिनि सायाव 16 अक्टूबरखालि फोसावनाय रिपटनि बादिब्ला, आसामनि खामानि गैथैनि बिबाडा हादरआव बयनिखुइ खमै 1.2 जौखोन्दो। बेनि बिबाडा उत्तरखन्डआव बांसिन 22.3 जौखोन्दो आरो हारियाणाआव 19.7 जौखोन्दो। बेराफासैं बांसिन सुबुंफोर थाग्रा उत्तर प्रदेशआव बेयो 4.2 जौखोन्दो। माहारियारि थाखोयावबो खामानि गैथैनि बिबाडा दावखलायदें। थानाय 2020 नि जानुवारीआव बेनि बिबाड 7.22 जौखोन्दोमोन जाय सेप्टेम्बरआव 6.67 जौखोन्दो थाहैयो। थानाय एप्रिल दानआव बेनि बिबाड बांसिन 23.52 जौखोन्दोमोन।

सिएमआइइनि गोदान रिपटनि बादिब्ला, राजस्तानआव खामानि गैथैनि बिबाडा 15.3 जौखोन्दो, दिल्लीयाव 12.2 जौखोन्दो, बिहारआव 11.9 जौखोन्दो, पान्जाबआव 9.6 जौखोन्दो, सोनाब बंगआव 9.3 जौखोन्दो, महाराष्ट्रआव 4.5 जौखोन्दो, झारखन्डआव 8.2 जौखोन्दो आरो उरिष्याआव 2.1 जौखोन्दो। मोनो हानाय अन्जिमाया फोरमायोदि, माहारियारि थाखोयावबो खामानि गैथैआव दावखलायनाय फेदें। 2020 नि एप्रिल आरो मेआव खामानि गैथैनि बिबाडा बांसिनमोन। बेनि सिगां करना महामारि गोसारनायनि सिगां दान 3 नि थासारिया जानुवारीआव 7.22, फेब्रुवारीआव 7.76, मार्चआव 8.75 जौखोन्दोमोन।

गिबि खोलोबयाव करनानि भेक्सिनखौ 5 कौटि सुबुंफोरनो होगोनाय जागोन

31 अक्ट 'बराव आबादारि मोन्थाय सान फालिनाय जागोन : कंग्रेस

गोदान दिल्ली, 19 अक्ट 'बर : फेगौ बोसोरनि जागाय जासिमाव करन भाइरास बेरामनि टिकाखौ मोन्नो हानायनि सन्देहजो लोगोसे भारतआ 2021 नि जुलाइसिमाव 200-250 मिलियन सुबुंफोरनो भेक्सिन होनायनि थियारिखौ जागायबाय। बेनि गेजेरजो मिरुआरि सावसि मन्थि डा. हर्षबर्धनआ थानाय सप्ताहयाव इन्डियान रेडक्रस स 'साइटि (आइआरआरएस) आरो सेन्ट जनिनि एम्बुलेन्सनि बोसोरारि जाग्रा सरासन्ना जथुमायाव गावनि बिबुंथियाव बुडोदि, फेगौ माखासे दाननि गेजेराव जौनाव मोनसे टिका थानांगो आरो फेगौ 6 दाननि गेजेराव जो भारतनि सुबुंफोरनिमिम भेक्सिन सौहे होनायनि हाबाफारियाव थागोन। अदेबानि



इनफेक्सन एबा गोब्राव बेरामनिफ्राय रैखाथि होनो थाखाय कभिड-19 नि टिकाखौ मोनै ड्रप होनांगोन, बिनि ओंथिया भेक्सिननि 400-500 मिलियन डजखौ 6 दाननि गेजेराव होनांगोन। बेनि सोमोन्दै भारतनि थाखाय रटारीनि नेसनेल पलियप्लास सेयार जानाय दीपक कापुरआ बुडोदि, बेखौ मोन्नो

हासिगोन। 2001 आ बे बिफावखौ सामलायग्रा कापुरआ गावयारि सिबिथायनि मोनसे दोलोखौ देदेनो, जाय सरकारखौ मदत खालामो, जेराव माखासे गथ 'फोरा पलियनि भेक्सिनखौ मोन्नो हायाखैमोन आरो जायनि गेजेरजो भारतआ पलिय भाइरासआ थानाये थादोमोन. कापुरआ बुंनय बायदिल्ला जेब्ला पलियनि सान्नाय हनाय जागायदोमोन अब्ला मुलुग नाउँनि जरखाफोरा भारतआ बेयाव जाफूसारनो हानाय नडा सान्दोमोन आरो जुदि बिब्बि जामारोमोनब्ला बेयो मोगथाडव बेबायदि खालामग्रा मुलुगनि जोबथा हादत जागोन। नाथाय जो गसैबो जेनाफोरखौ सुक्रानै मोनसे जौगाखां थागिबिफोरनिमिम भेक्सिन सौहेहोनो हादो।

गोदान दिल्ली, 19 अक्ट 'बर : आबाद आयेन आरो हाथरास केसखौ लाना कंग्रेसआ गोदाने सोमावसारनो बाश्रा फोसावदो। पार्टिआ 31 अक्ट 'बरायव हादतनाडे आबादारिनि मोन्थाय सान आरो 5 नबेम्बरयाव आइजो एबा दलितखौ इनाय-अनागार खालामनायनि हेँथा सानखौ फोसावदो। बेनि थाखाय गसिबो राइज्यो कंग्रेस आरो जिल्ला कंग्रेसनि बिथोन होनाय जादो। कंग्रेस आफादगिरि सनिया गान्धीनि पार्टि सेक्रेटारि आरो राइज्यो आफादगिरिजो लोगोसे जथुमा खुंनयनि उनाव फसथाननि आफादगिरि केसि बेनुगपालआ बुंदो, पार्टि आ सोमावसारनाय खौ सोलिहोबाय थागोन। बेनि गेजेरजो पार्टि आ 31




अक्ट 'बराव आबाद मोन्थाय सान फालिगोन। बे सानआ सरदार पाटेलनि जोनोम सान आरो बारग' गाहाय मन्थि इन्द्रा गान्धीनि थेनाय सान। पार्टि आ गसिबो राइज्यो फसथानफोरखौ बे सानयाव सत्यग्रह आरो उपबास

फालिनि बिथोन होदो। बेजो लोगोसेनो पार्टिआ 5 नबेम्बरयाव आइजो एबा दलितखौ इनाय अनगार खालामनाय हेँथा सानयाव राइज्यो नाउँधरना होनो थाखि लादो। बेनुगपालआ बुंदो बे खेबयाव 14 नबेम्बरा दिवाली फोर्बो। बेनि थाखाय पन्डित जवाहरलाल नेहरुनि जोनोम जानायनि सानसे सिगां पार्टिआ राइज्यो मावख 'याव नेहरु आरो बिनि बिहोमा होनाय आयदानि सायाव सम्मेलन खुंगोन। पार्टिआ आबाद आयेननि हेँथाये धरना होनायखौ गोखोसि खालामनो थाखि लादो।

कर्नाटकआव दै बानाजो राहा गोमानायफोरखौ बोखानो थाखाय सान्थि हान्जा थिसनबाय

बेंगलुरु, 19 अक्ट 'बर: कर्नाटकनि गंग्रे जिल्लाफोरव थांनय रबिबारखालिबो दै बानानि थासारिआ गोब्राबे थादो। बेयाव कृष्णा आरो भिम दैया उसिगलायदो आरो सान्थिफोरा राइज्यो एबा माहारियारि रैखा खालामनाय खामानि मावगासिनो दड। जाहाथे दै बानानि गेजेराव लामा गोथेनाने थानाय रोजा रोजा सुबुंफोरखौ दिहुनो हायो। बेनि सोमोन्दै गिबि मन्थि बिएस येदियुप्पाया बुडोदि, थानाय सप्ताहआव जानाय गोबां अखा नि जाहोनआव कलबुर्मी, बिजयपुर, यादगिरि आरो रायचुर जिल्लाफोरव थानाय माखासे गामिफोरा दै बानानि देयाव आबुडे एबा खावसेयै गोदोनो हयो। गिबि मन्थिआ बुंनय बादिब्ला, थानाय 21 अक्ट 'बराव थाडा दै बानाजो भुगिनांनय ओन्सोलफोरव उरां जाहाजजो दावबायगोन। सुलुड फोरमायनाय बादिब्ला, रैखा खालामग्रा हान्जाया दासिमाव



सा 20,269 सुबुंफोरखौ दै बानाजो सिलिखार जानाय ओन्सोलफोरनिफ्राय दिहुनो। गोबां अखा हानायजो खाथिनि राइज्यो महाराष्ट्र आव बान्दोनिफ्राय दैया लोमसावनायनि जाहोनाव कर्नाटकनि गंग्रे जिल्लाफोरनि दर 111 गामिफोरा दै बानाजो गोहोम गोलेयो। बे दैबानानि जाहोनआव आबादआबो खहा जादो। बेराफार्से, हाइद्राबादआवबो गोबां अखा हाफिनबावो। थानाय शनिबारखालि बेलासिनि 6.00 रिगनिफ्राय जागायनाय अखाया रबिबार फुसिम हायो। थानाय अक्ट 'बराव हराव जानाय अखा नि उनाव जाय थासारिआ सोमजिदोमोन, बेयो आरोबाव खेबसेयै सहरआव बेबादि थानासरिआ सोमजिफिनबावबाय। माखासे ओन्सोलफोरव लामा-सामायाव दैया बुंफनो हयो, ट्राफिक जाम जायो, कारफोरखौ देयाव बोहैलानाय नुनो मोनो। हाइवेआव गारिफोरा थाबथानाने थायो आरो सहरनि बालानगर ओन्सोलनि बिलोया

मे डचल मलक जगिरीनि सिंगापुर टाउनसिप आरो उप्पलनि खाथियाव थानाय बेडलगुडायाव 15 से:मि: निबो बांसिन अखाया रेकर्ड जायो। बेजो लोगोसे नामपल्ली, अबिदस, कठी, बशीरबाग, खेरताबाद, गशमहल आरो बिजयनगर कलनिआव लामा-सामाफोरव दैया लोमसावो। बेनि गेजेरजो ग्रेटर हाइद्राबाद मिडनिसिपाल कपरिसनि डिजेस्टर रेस्पन्स फर्सआ देखौ दिहुनहरनायाव नांथावनाये थादो।

MISSING INFORMATION



The above is photograph of Miss Pinki Brahma (20 Yrs) D/O Sri Binod Brahma, Vill - Jorpu khuri., PS- Udalguri, District- Udalguri who has been missing since 08/10/2020 from her home.

This refers to Udalguri PS GDE No-319 Dtd. 12/10/2020 and this office Man Missing Register Entry No. 112 Dtd. 13/10/2020.

Descriptive Roll of the Missing Person:
1. Complexion - Fair
2. Age - 20 Years
3. Built. - Medium
4. Language - Bodo
5. Height - 4.6 Feet
6. W/apparel - Churidar

All efforts may be made to trace out/recover the above noted missing person at the earliest and result thereof may be intimated to this office at the following helpline numbers for further necessary action: 8134852559/9859427622 (Cell phone).

MISSING INFORMATION



The above is photograph of Md. Anar Ali (25 Yrs) S/O Md. Giyas Ali, Vill - No-2 Niz Garuajhar., PS- Panery, District- Udalguri who has been missing since 9 (Nine) month ago from No-2 Niz Garuajhar.

This refers to Panery PS GDE No- 623 Dtd. 20/09/2020 and this office Man Missing Register Entry No. 106 Dtd. 30/09/2020.

Descriptive Roll of the Missing Person:
1. Complexion - Dark
2-Age - 25 Years
3. Built. - Medium
4. Language - Assamese
5.Height - 5.2 Feet
6. W/apprel - Pant 8s Shirt

All efforts may be made to trace out/recover the above noted missing person at the earliest and result thereof may be intimated to this office at the following helpline numbers for further necessary action: 8134852559/9859427622 (Cell phone).

Director, WPT&BC, Assam; Ghy-6

JANASANYOG/D/5929/20

Superintendent of Police, Udalguri, Assam.

JANASANYOG/D/5956/20

भूपाल, 19 अक्ट 'बर:

इउरपियान कार्डियलजी ससाइटीआ थानाय जुन दानआव ब्लाड प्रेसरनि सरासन्ना बिबांखौ 130/90 नि बदलै 140/90 एमएम/एडसजी जखा लादो। कार्डियलजी ससाइटी अफ इन्डियानि सोद्रोमाफोर आरो बिखानि बेरामनि जर'खाफोरनि बादिब्ला, भारतनि सुबुंफोरनि जिउ खुंनय हुदा आरो जीननि दाथाया इउरपनि सुबुंफोरनिखुइ आलादा। भारतीयफोरनि बिपिनि सरासन्ना बिबाडा 130/80 जानांगो। जानायाव संखिखौ खम जानाय, यगा-ध्यान खालामनाय बायदिनि अनगायैबो बिपिआ 140/90 नि बांसिन जायोब्ला फाहामथाय लानांगो। हाट केयार फाउन्डेसन अफ इन्डियानि प्रेसिडेन्ट पद्मश्री डा: केके आग्रवालआ बुंदोदि, डायस्टलिकनि मिनिमाम बिपिआ 80 नि बांसिन जानो नाडा। सिस्टलिकनि मेक्सिमाम बिपिआ 130 निखुइ बांसिन



जाना थायोब्ला फाहामथाय लानांगो। सिएसआइनि सेन्ट्रल इन्डिया गभार्नि बडिनि सायाव जानाय सोद्रोमा डा: सुवत मन्डलआ बुंदोदि, ब्लाड प्रेसारआ 130/80 नि बांसिन जायोब्ला मुलि जायाब्लाबो संखिखौ खम जानाय, यगा-ध्यान आरो ब्याम खालामनाने बेखौ सामलायनाने लाखिनो हायो। बेनि उनावबो बिपिआ कन्ट्रल जायाब्ला मुलि जानांगो। भुपालनि बिकानि डाक्टर स्कन्ड त्रिबेदीआ बुंदो थानाय 70 बोसोरनिफ्रायनो ससाइटीफोरा गले-गले गाइडलाइनखौ सोलायदो। भारतीयफोरनि जीनआ आमेरिका आरो इउरपनि सुबुंफोरनिखुइ आलादा। बेनिखायनो बयबो सिएसआइनि गाइडलाइन आरो बेरामनि थासारिखौ नोजोर होनाये फाहामथाय होनांगो। बेरामिया सरासन्नायै 140/90 सिमल'ब्ला मुलि होयालसे गुबुन राहायै बिपिखौ सामलायनो नाजानो हायो।

सहर एबा राइज्योआव गोदान लकडाउननि गोनांथि गैया: कमिटि

गोदान दिल्ली, 19 अक्ट 'बर:

सरकारनि कभिड-19 नि थिसन्नाय मोनसे कमिटिनि बादिब्ला, गाहाम देहाखौ नोजोर होथाव सुबिधाफोरनि थाखाय माखासे जानो हाथाव खैफोद नुजाथियागोमनि कभिड-19 नि गोसानयायखौ होबथानायनि थाखाय राइज्योआव जायखि-जाया गोदान लकडाउन होनो गोनांथि गैया। आइआइटी हाइद्राबादनि प्रफेसार एम बिद्यासागरनि सामलायनाय कमिटिआ बेखौ दाबि देखौदोदि, गासैबो प्रटकलखौ गाहामे फालिनाय जायोब्ला फेगौ बोसोरनि हाबजेन्नायसिमाव इनफेक्सनखौ सामलायनो हागोन। सा 10 सोद्रोमाजो दानाय कमिटिआ भारतआव कभिड-19 इनफेक्सननि बांनय बेराम होबथानाय आरो लकडाउननि गोहोमफोरनि सायाव संदन्दो। कमिटिआ कभिड-19 नि



बांनयनि थाखाय मोनसे फोरमानखौ बिधा खालामनाय मडेलखौ बानायदो। माहारियारि थाखोनि सुपार मडेलआ गुबुन मान दान्दाफोरनि सायाव बिधा खालामनाय, जेराव लकडाउननि सम, बेकल्पिक लकडाउननि थासारि, गुबुन राइज्योनि लेबाफोरनि गाव गावनि नख 'आव सौहेनयनि गोहोम आरो रेखाथि प्रटकलखौ फालिने बायदिआबो दफयो। प्रफेसार एम बिद्यासागरआ बुंदो, जो इनफेक्सननि सोमोन्दै मिबिथायदि, बेयो माबे बोथोरव माबादि गोहोम गोलेगोन। बेनिखायनो आथिखालनि सुबुंथिनि रेखाथि प्रटकलखौ सोलिहोबाय थानया गोन, नडाब्ला इनफेक्सननि केसआ बांनो हागो। कमिटिआ बुंबावदोदि फेगौ फोर्बोफोर आरो गोजां बोथोरआ इन्फेक्सनखौ बांसिन जाहोनो हागो। नाथाय हाबाफारिफोरखौ फिन जागायफिनो थाखाय थि आरो रेखाथि प्रटकलफोरखौ फालिनांगोन। लकडाउन होयामोनब्ला इन्फेक्सनआ भारतआव गात्रियै गोहोम गोलेगोमोन आरो जुनसिमावनो केसआ 1.40 कौटिनि बांसिन जागोमोन। मास्क गानाय आरो ससेल डिस्टेन्सि फालिनाय बायदि गुबुन रेखाथि प्रटकलफोरखौ सोलिहोनायजो लोगोसे लकडाउन होनायजो गुबुन हादरफोरजो रुजुनायाव भारतआ मोजो रोखोमै करना भाइरासजो मोगा-मोगि जानो हागो। आथिखालनि सुबुंथिनि रेखाथि प्रटकलखौ आवुं महैर सोलिहोफिनो गोनांथि द, नडाब्ला हादरआव इनफेक्सननि केसखौ गोखै बांनय नुनो मोन्नो हागो।

No.DW.PMS/98/2001/163/
SCHOLARSHIPS FOR ST / OBC STUDENTS OF ASSAM : 2020-21

It is for information to all concerned that Fresh / Renewal applications for Pre-Matric and Post-Matric scholarships for students of Assam belonging to Scheduled Tribes (ST) and Other Backward Classes (OBC / MOBC) are invited for the year 2020-21 through National Scholarship Portal (NSP) at www.scholarships.gov.in. Applications will be entertained through online portal only for students studying in Govt. / Govt. aided / Govt. recognized / Madhyamik/ Middle / Primary School / University/ Higher Secondary / Colleges including Medical / Technical Institutions etc having valid U-DISE / AISHE / NCVT code only. The timelines for submission and verifications of applications are given below:

Sl No	Name of Scheme	Eligibility (Annual Family income)	Last date for submission of online applications by student	Last date for verification of applications by Institution
1.	Pre Matric Scholarship to ST students (Class IX-X)	Rs. 2.50 lakh	30 th November, 2020	31 st December, 2020
2.	Post Matric Scholarship to ST students			
3.	Pre Matric Scholarship to OBC students (Class I-X)			
4.	Post Matric Scholarship to OBC students			

Note:
(i) For verification of applications, each Institution has to fill their Institute's Nodal Officer registration form and get it approved by the State Nodal officer. If the Institute /school /college does not do so, they will not be able to verify the applications online.
(ii) Name, E-mail id and contact details of the State Nodal Officer for scholarship schemes are available on this Directorate website www.directorwptbc.assam.gov.in.
(iii) The guidelines for the schemes as well as Standard Operating procedure (SOP) and User manual for Institutes are available on National Scholarship Portal website www.scholarships.gov.in as well as on the website of this Directorate www.diretorwptbc.assam.gov.in.

Institutions are hereby informed that timely verification of applications which include scrutiny of documents viz. Caste Certificate of the students, Income Certificate of the parents/guardian, admissible fees (admission, tuition etc) is the responsibility of the Institution Nodal Officer and will also be responsible/liable for any false or incorrect information. It is also the responsibility of the Institution Nodal Officer to mobilize online applications of students and after verifications of the applications within the deadline, submit the hard copy of the approved verified list to the office of the undersigned latest by 20-01-2021.

For any further details on the scholarship schemes, educational institutions and students may approach the office of the Director, Welfare of Plain Tribes and Backward Classes, Assam, Chatrinivas Path, Rukmini Nagar, Guwahati-6 or e-mail us at directorofwptbc.assam@fimail.com.

Sd/-
Director, WPT&BC, Assam; Ghy-6
JANASANYOG/D/5956/20

एडभेन्चार एक्टिभिटीनि थाखाय मुंदांखा उत्तरखण्डआ

गोदान दिल्ली, 19 अक्ट 'बर: गोजौ-गोजौ हाजो सारिफोर थानाय, जॉखोल दै बोहेनाय आरो आबहावनि थासारिया मोजां जानायनि जाहोनाव मुलुगनाडै दावबायारिफोरनि गोसोखौ बोनो हायो उत्तरखण्डया। उत्तरखण्डया एडभेन्चार एक्टिभिटीनि थाखाय मुंदांखा।

1. उत्तरखण्डयाव स्कीइंखौ एन्जय खालामनायजौ लोगोसे बेनि कर्सनि सुबिदाखौबो लानो हागोन। बे एडभेन्चारनि थाखाय साहसजौ लोगोसेनो एनार्जीयाबो गोनंथार। बरफजौ खोबफवना थानाय हाजोयाव बेवहाय स्कीइं खालामनो थाखाय मोजां।



2. पेरग्लाइडिं खालामनानै बारयाव बिरनानै गाहायनि समयना नुथायखौ नुनो मोनो। गोजौ-गोजौ हाजो, दै बारजुम बोहेनाय आरो हायेनि समयना नुथायखौ नायनोब्ला उत्तरखण्डयाव दावबाय फैनानै पेरग्लाइडिं खालामनांगौ। बे एक्टिभिटीखौ एक्टिभिटीनि नोजोर लानायाव खालामनाय जादौं।



3. बयनिखुइबो खैफोद गोनं एडभेन्चार जादौं बुंगी-जाम्पिं, लोरबां सुबुंफोरनो बेखौ खालाम होनाय जाया। बेवहाय आर्थिखौ दौंसे दिरंजौ खानाय जायो आरो गोजौनिफ्राय गाहायाव बारजुम होहरनाय जायो। गाहायाव बारजुमनाय समाव बिखानि मावखानायखौबो खोनानो मोनो।



4. केम्पिं खालामनायाव जायखि-जाया रोखोमनि नाजा नाड आरो बेयो खैफोद गोनं एक्टिभिटी नड। नाथाय गोजोन-खुसिये छुटीफोरखौ एन्जय खालामनो थाखाय उत्तरखण्डनि सुदेम हायेनयाव केम्पिं खालामनो हागोन। सहरनि होंगो-दोंगो जानायनिफ्राय गोजान जायगायाव थानाय हाग्रा बारियाव टेन्ट लागायनानै केम्पिं खालामनो हागोन। बेवहाय माखासे जायगाफोर दं, जाय केम्पिनि थाखाय बेस्ट। बेवहायनि कनातल, धनौल्टी, चौपता, भीमतालआ केम्पिनि थाखाय मोजां जायगा।



5. जिप लाइनि एडभेन्चारखौ थानाय माखासे बोसोराव गोबां सुबुंफोर मोजां मोन्दौं। दिरंनि हेफाजाबजौं मोनसे जायगानिफ्राय गुबुन मोनसे जायगासिम थानाया खैफोद गोनं जायो। 140-160 नि स्पीडजौ बिरनानै उत्तरखण्डनि समयनाखौ नायनो हायो।



लिमारिक

(1)

मोजां मोनाबालाय मानो आं नोंखौ फुजा
खालामो ईसोरनि खाथियाव मोनगौबा
मोनगौबा नोंखौ
सोर्गोआदि आंनि थोथोर बोथोर
समआलाय थानाय बेबादिनो बोसोर बोसोर
बे जोनोम मोनसेआव जुलि लानो लुबैयो
आं नोंखौ।

(2)

उनथिं नायोबोला भुमिकानि महर
मादि जादु गोनं नोंनि थाबायनाय महर
बिखायाव खलम लाथिनानै लिटरना हरदोमोन
आं नोंनिसिम लाइजाम गांनै।
सानफ्रोमबो नुजाफैयो आंनि गोसोसिडव
नोंनिल' महर।

(3)

दानि सिखलाफोरखौलाय मा नायनो ?
नुबोला लुबैलायगोन गोसोसो थोनो
हाबाब मादि सना मुखि दाउ मैनानि राव
रायज्जायो बिसोर बयजौबो इराजील' राव
बिसोरनि लामा दथायाव थानानै सेंग्राफोरखौ
एदाव नायखौ मा नायनो।

(4)

सानदोंमोन आं अनजलि मुनि
नोंखौनो आं बे जोनोमआव हाबा
खालामनो,
नाथाय नोंदि आंखौ नेउसिलांबाय
जानांबाय आं दिने गोदाउ सोराव।

प्रेम गयारी

बेंतल गोजौसिन फरायसालि

आंनि हेंथा

बे फैलाव बुहुम बिखायाव
आं जोनोम लायो।

जोनोमजौं लोगोयाव आंहा गोरिब,
आरो आलाइ-सिलाइ,
जाहोनाव आं-

जेब्ला हायाव लुद्र-लुद्रा गेलैथिडे,
सिखलाइ एमफैया....

आंनि फेन्दा खेरफायाव अरफबो।

जेब्ला आं उन्दुयो,
उराव एम्फौफ्रा....

आंनि मोदोमाव खेब-खाब अरखुमायो।

जेब्ला हरव आं गोदो गोदो उन्दुलाडे,
आंखौ थाम्फेफ्रा अरगिललाडे।

जेब्ला न'याव, जिरायगलाडे॥

आंनि मोदोमाव दावखुमैफ्र-

मानसाव-खुफ्राव अरफबो।

आडे जेब्ला फरायसा जिउ-

आंनि उदैया ओंखाम ओंखि गैयामोन।

मालायनि गिजि गब्लं सिफोरखौसो गानोमोन,
बिबादिनो बिफोरजौसो आं फराय नाडेमोन।

आं जेब्ला लाउखार हाग्रायाव मोसौ गुमहैयो,
आंनि आइथिफ्राव लुवारफ्रा अरगिललाडे।

आं जेब्ला दाहोना दुब्लियाव हालेव हैयो-

आलि दानो- खोयो मावो-

आंनि आइथिफ्राव बेदलावफ्रा ज'ज' बाथाबना अरगिललाडे

आं जेब्ला सि जौसा हादानाव आबाद मावहैयो,
सान-हर,मैदेर नेनानै मेगन मोदै-,

आं उन्दुस'न लाडे जाजोबलाडे।

जेब्ला आं मेघालयाव खैला जावहैयो

आंनि लोगोया खैलाजौं फबजाना थैलाडे।

बेयावनो आं आला दिड-

आंनि समा औरैनो

गोबां जेनाजौं सौग्रावना-

आं फैफिन नाडे-

बिदिनो आंनि हेंथा।

निर्मल चन्द्र बसुमतारि

रंजालि गथ' फोरनि सौरा

मबाइल

आंनि मुड मबाइल'

आं मानसिफोरनि मोजां लोगो

जाय आंखौ बाहायो बियो

सानफ्रोमबो सानसे आंखौ बाहायनो,
मोनाब्लानो गोसोखौ खेंखुर-खेंखुर

मोनबाय थानाय बायदि मोनो।

आं गोबां खेलाबो गेले जायो,
जैरै मानसिनि सावगारि, बायदिसिना

रोखोम-रोखोम सावगारि सेबखानाय,
मोजां-मोजां, बर' केसेट, हिन्दी केसेट,

इराजी केसेट, असमीया केसेट, बाला

बायदि बायदि गानजौं लोगोसे,
मिउजिक फोरखौबो आं सेबखाना

लानानै मानसिफोरनो खोना संहोनो हायो

आं बिगियान मुगानि मोनसे बिगियाननि

गोमोथाव होनाय होथाय।

आं दिने सुबुं महाारिनि गेजेराव

उजिनानै आंनि बिसुगे बादि

खालामनानै लानो साननायानो

आंनि गुबै मिजिंक आरो थांखि

आं मानसि महाारिनि खाथि, गोजान,
मटर, गारिजौं सानसे, साननै, सानथाम,

बेनि ब्रांसिन समनि गेजेरावबो

खौरां होनो हायैखौ आं गोरलैयैनो

खम समनि गेजेरावनो खाबुखौ होनो हागौ।

आं मबेबा मबेबा टावार गैयै जायगायाव

नाड लासैबो थानो हायो।

आंखौ मोजाडै बाहायफुनोब्ला खाथि

गोजान टावार गायसनानै

होब्लानो आं गासैबो जायगानि

सुबिधाफोरनि राहाखौ मानसिफोरनो जगायनो हायो।

आं दिनेनि बे मुगायाव सेंग्रा सिखलाफोरनि

साबसिन लोगो जाबावबाय।

आंनि दारैनो नों बबे जायगायाव दं

होनना सौब्ला, आं नै बे गौरां सेरावनो

दं होनना गुबुननो फोरमाय हरनो हायो।

आं सेंग्रा-सिखलाफोरनि गोसो थोलायनायनि

सुबिधानि लामाखौबो होनो हायो,
आं सारा बुहुमखौनो साग्लोबनानै

जानो हाब्लासो आं गोजोनगोन।

फै आंनि खाथियाव सनाफोर

आं होगोन सुबुं महाारियाव

अरायबो मुलाम्फा आरो मदद।

मदन चन्द्र ब्रह्म

फैदो जौं बयबो खौसेयै

जेराव अनलायनाय फोथायलायनाय गैया

बेवहाय गोजोन्याय थाया

जेराव खौसेथि गैया

बेवहाय जौगानाय थाया।

बेखायनो मुलुग संसारनि

दुलाराय बर हारिआनो

फैदौं जौं बयबो खौसेयै।

अनलायनायनि माला सुजुदिनि

अनलायनायनि माला सुजुना

गावनि गाव अनसेमाजौं

फैदौं जौं बयबो खौसेयै।

गासै बर हारिमा लामा दोंसेयाव

गावजौं गाव फोथायथिखौ

दिदोम दाद खालामना

फैदौं जौं बयबो खौसेयै।

हारि महरै नखर खुंलादिनि

थार गियानखौ आर्जिना

गोदान मुगानि सोलौंथाय बादायलायनायनि

गेजेरजौं फैदौं जौं बयबो खौसेयै।

सोलौंथायनि गियान लास्रोदिनि

सोलौंथायनि गियानजौं

गावनो गाव बुजिलायनायनि

गेजेरजौं दुलाराय बर हारियायो।

खौसेथि सुजुदिनि गासैबो बर' हारियायो

दोंसे लामाजौं आगान सुरदिनि

फैदो फै बर' हारियायो खौसेथि जाफिनदिनि

दुलाराय बर हारियायो राइजोखौ लाइफिनदिनि

प्रदीप कुमार बसुमतारि

ला:सो:-गंडिया।

जिल्ला:-कक्राझार।

जखायसै लिमारिक

(1)

Hollo जारौ दिने मानि लाजि गुसु

गोसो नोंनि मानोथो उसु खुथु

ख'था सिडवजिरायना हारसिं

दुखुआ मानि! दाहाया सोरनि

(2)

नै आदा बर थिखादार गस्ला जेब बुंहाबजासे

बेसे मोनजाखो ? मा सोना लाखो थ'फ्लासे

खामानिखौलाइ बबे मोनसेखौ आबुं मावखो

जौ बेदेर जानायलाइ मानोथो उदै गोरखो मोनबो

(3)

गोसोआ लुबैब्लाबो खोनाला माथो अनजालि नोंनि राव

कलेजाव थंलाइ फैलाइ आरो सक बाजाराव

गोसोआ आंनि रिखाडो दाबो

नोंनि गारबोनाय बै गाथोननि गोगो गोथार देंखो

(4)

आथिखाल मुगानिलाइ बर' सिख्ला

सग बाजार थानायालाय सानफा खनफा

हारसा सेंग्राफोर नुबालाय मिनि बाला बाला

साना हवा गासन फ्लांबाय हाखा दावरा ॥

रनजित दैमारी

के.सि. कलेज, (हजुवा)

थाखो-जिनै (12)

जिला-बागसा, बि टि आर

सिलिंखार

सिलिंखार सिलिंखार खालामबाय नों

आंनि सुदेम देराखौ सिलिंखार।

मानो ? मानो खालामखो नों

आंनि संसारखौ सिलिंखार।

गैयामोन नामा आंहा मिजिं हाबिला ?

गैयामोन नामा आंहा गोजोन हास्थायनाय ?

मानो खालामखो नों सिलिंखार

दडमोन आंहा गोथार मिजिं।

दडमोन आंहा गोदौ सिमां

नाथाय दिने सिलिंखार।

लुबैनाय गोसोनि मन्दिराव सोनानै दोन्दोंमोन

आं सनानि फानजारियाव मासे दाव मैना

नाथाय जावलिया बारहुंखाया

सिमब्रे लांबाय गोसोनि मन्दिरखौ

बाइफलेलांबाय थेर-बेथेर सनानि फानजारिनिफ्राय

बिरगंलांबाय दाउ मैनाया।

जावलिया बारा खालामबाय आंखौ सिलिंखार।

गैलिया आंहा गोजोन संसार

गैलिया आंहा गोजोन संसार

गैलिया आंहा गोबौनि मन्दिर।

गैजाला आंहा गोसो सोलेरनि धोहोन।

दुखु-दाहानि मोदैनै लैथोआव गब' नांबाय आं

सिलिंखार सिलिंखार आंहा।

मिस बिबारी बर'

गाभि:-बालाथड।

जोहोलाव

हे आं जोहोलाव

हादरनि आरो हारिनि

सुजुनागै गोजौनि सिमां

मावनो लादोंमोन नोंसोरनो

गावगा होनो मोकथांआव

समनि फाकनि गोलावआव

मेगन गोसा सुथुरफ्रा

गोमा लांहाबाय जोहोलावफोरखौ

गोमा लांबाय साफा साफा हाथियारजौं

जौंबो बावआखै हे जोहोलाव

नोंसोरनि सुजुनायखौ

लाबोनो थाखाय आरज गाबबायजौं

नाजानो जौं दावहाथिलिआव

हाथियारजौं

हे जोहोलाव गोहो बोलो हरदो

खुलुमबाय जौं।

मेहेर बसुमतारि

अलंवार हाइ स्कुल

गुवाहाटी नोगोरमानि राइजो-राजाफोरनि थाखाय ‘मुख्य मन्थि सहज गृह’ निर्मान बिथांखिखौ बेखेवबाय गिबि मन्थिआ

गिबि मन्थ्रिनि गोरलै न’ लुफुंनाय बिथांखिनि हाबाफारिनि गेजेरजौं गुवाहाटी नोगोरमानि थागिबिफोय गोलाव बोसोरनि मोनसे हास्थायनाय सिमांखौ जाफुंसार होनो हासिगोन । दुलाराइ राइजो–राजाफोर न’ लुनायनि गनायथिनि थाखाय सिगां समाव मोगा–मोगि जाबोनांनाय जेंनाफोरखौ बे बिथांखिया खमैबो ४ लेसा (५७६ बर्ग फुट) हा थानाय सुबुडा न’ लुनायनि थाखाय गनायथि मोन्नायाव हेफाजाब मोनगोन । गुवाहाटी नोगोरमानि थासारिखौ नोजेर होनानै गिबि मन्थिआ बुडोदि, गुवाहाटी शहरखौ गोदान महर होनानै खोला–सान्जा एसियानि गेजेराव बयनिखुइबो समायना आरो जौगानाय शहर महरै लानो थाखाय सरकार आजावना लानाय थांखिखौ जाफुंसार होनायाव नोगोरमानि थागिबिफोय सिगां फारसे आवगायनांगोन । गुवाहाटी नोगोरमाखौ साखोन–सिखोन लाखिनाया नोगोरमानि एबा शहरनि साफ्रोमबो थागिबिफोर गोनांथार बिबान लानांगौ आरो गुवाहाटी नोगोरमानि मान सन्मानखौ लाखिनो थानायाव नोगोरारिफोर सांग्रां जानांगोन होन्नानै बुंथियो । गाहाय मन्थि नरेन्द्र मदिआ थानाय २०१४ माइथायाव पार्लियामेन्टनि गेजेराव लाखिनाय गावनि गिबि बिबुंथियाव सा–सान्जा ओन्सोलखौ हादतनि ५४५ एमपिफोरनि सिगाडव गोदानै सिनायथि होदोंमोन होन्नानै रायखांना गिबि मन्थिआ बुडोदि, सा–सान्जा ओन्सोलनि जौगानायखौ माहारियारि एजेन्झायाव जरखा जायगा होनानै सिगाडव गोग्लैसोनाय बेफोर ओन्सोलखौ हादतनि सिगां सारियाव जायगा होनायनि थाखाय गाहाय मन्थिया जरखा बिबान लादों । ३० मनमहन सिं दैदेन्नाय कंग्रेस सरकार लुक इष्ट पलिसिखौ बिथांखिनि गेजेरजॉल’ सिमा खाना होनानै बेखौ मोगथां महराव जाफुंसार होनायनि फारसे मावफुंनायनि जेबो राहा लायखैमोन । नाथाय आधिखालनि बिजेपि दैदेन्नाय मिरु सरकार सिगांनि सरकारनि समाव लानाय पलिसिखौ सोलायानाै एक्ट इष्ट खालामनानै मोन १० आसियान हादत आरो मोन ३ बिबियेन हादतनि गिदिर बाजारखौ दखल खालामनायनि थाखाय आवगायनो हादों । बे आयदायाव गिबि मन्थिआ बांलादेशनि पक्स बाजारनिफ्राय थोंजोडै इन्टरनेट फोनांजाबनाय, माहारियारि गाहाय लामा लुफुंनाय, रेल लामा आरो रेल लामाखौ गोदान अदबजों फौजौंखानायाव मिरु सरकार आजावना लानाय हाबाफारिखौ रायखाडो । गुवाहाटी नोगोरमानि सुबुंफोर थानाय ओन्सोलखौ इ्युननि थाखाय सान्नानै आधिखालनि सरकार राइज्योनि राजधानि ओन्सोल खालामनो थाखाय गुवाहाटीनि सिमा टिट्टु, सिपाझार, सइगाव आरो जागिरडसिम जरखा हाबाफारि लादों । दिनै जागायजेन्नाय मुख्य मन्थि सहज ग्रीह’ निर्मान बिथांखिनि फिथाइ गोनांयै मावफुंनायाव जायगानि रियेल इष्टेट डेब्लपार आरो आर्किटेकफोरखौबो जरखायै बिफाव लानो फोसावदों । गिबि मन्थिया लोगोसेयै फोरमायना होदोंदि, बिसोरनि हांखायनाय बायदियै सरकार थोंजोडै इज अफ डुयिं बिजनेस सोमोन्दोयाव दासान्दि सरकारि फोसावजानाय बिथांखिखौ मावफुंनायनि आन्जाद लानो थाखाय एबा नायफामनो थाखाय मोनसे गोजौ थाखोनि कमिटि दाफुंनाय जागोन । हाबाफारियाव बिबुंथि लाखिनानै गुवाहाटी जौगाखां बिफाननि मन्थि सिद्धार्थ भत्ताचार्य्यंआ बुडोदि, २०१६ माइथायनिफ्रायल’ नडा, राइज्योयाव फोरमायथि आदबखौ जौगाखाड बेनि गोबां सिगाडवनो जादोंमोन । नाथाय सिगांनि मोनसेबो सरकार बे डिजिटेल राहाखौ सरासनस्त्रा सुबुंफोरनि अन्सायनाय खामानियाव बाहायाखैमोन । गिबि मन्थिआ बेखेवनाय बे बिथांखिखौ आबुडै मावफुंनो थाखाय गिबि मन्थि सर्बानन्द सनवालआ आजावना लानाय बिफावनि थाखाय मन्थिआ गिबि मन्थिखौ साबायखर होयो । दिनैनि हाबाफारियाव गुवाहाटी नोगोरमा जौगाखां बर्डनि आफादगिरि आरो धेकियाजुलि बियाबनि एमएलए अशक सिंगल, गुवाहाटी जौगाखां बिफाननि उफ्रा चिफ सेक्रेटारि मनिन्दर सिं आरो गुबुन गुबुन बिफाननि गोजौ थाखोनि बिबानगिरिफोरा बाहागो लादोंमोन । मख'नो गोनांदि, गुवाहाटी शहराव न’ लुफुंनायनि माव हाबाखौ जायगायजेन्नायनि थांखिजों गिबि मन्थि सनवालनि जरखायै नाजानायाव गुवाहाटी जौगाखां बिफानआ सोलिफु बोसोरनि थानाय मे अक्टखालि गुवाहाटी बिल्डिं कनस्ट्रक्सन आइनखौ दाफामनानै मुख्य मन्थि सहज ग्रीह’ निर्मान बिथांखि खालामनाय जादों । दिनैनि बे बेखेवना होनाय बिथांखिनि गेजेरजों फैगो सर्मानिफ्राय गुवाहाटी नोगोरमानि थागिबिफोरा www.mmsgna.in अनलाइन पर्टेलआव आर'जलाइ थिसन्नानै गोनांथि बायदियै न'नि नक्सा, फोरस्मानलाइ आरो खाजोना जमा होनायनि उनाव थाबैनो न’ लुफुंनायनि गनायथिखौ मोन्नो हागोन । बेबायदिनो www.gmdalsp.in पर्टेलनि गेजेरजों नोगोरमानि राइजो–राजाफोरा मोनसेबो मावख'सिम थानाडलसै न'निफ्राय हा बायनायनि गनायथिखौ मोन्नो हागोन । बे मोनै सिबिथायनि बिथिडव नोगोरारिफोरा गावसोरनि आर'जलाइ थिसन्नायनि सोमोन्दोयाव एसएमएस आरो इ–मेइलनि गेजेरजोंबो मोन्नो हागोन ।□

गागि रांखान्थिगिरि ड० जयन्त माधबनि रुंसारि जानायखौ गिबि मन्थिआ दुखु फोरमायदों

बिथिडव जैरेबायदि बिहोमा होलांदों बेखो साफ्रोमबो गोसोखांगोन । मुलुगनां थाखोनि रांखान्थिगरिया आसामनि रांखान्थि जौगानायनि बिथिडव जरखा बिफाव लाबोदोंमोन । फारसेथिं नेउफिनि आफादगिरि आरो सामलायगिरि महरै माव बिबान सामलायनानै रांखान्थि रहा आरो दिहुन्थाय बायदि बिथांखि मावफुंनायनि मोनसे सामाजिक हाबाफारि महरै सिगांलानायनि फारसे बिथाड गोनंथार बिबान लाबोदोंमोन । बेबायदि गागि रांखान्थिगिरिनि रुंसारि जानाया जौनि सुबुं समाज आरो रांखान्थि फोथारनि थाखाय सुफुंख ’ हायै ख'हा होन्नानै गिबि मन्थिआ बुडो । गिबि मन्थिआ रुंसारि ड० जयन्त माधबनि बिदाय जिउमानि थाखाय इसोरनि खांथियाव आर'ज खालामनानै दुखुथिया नख'रनिसिमबो गोथौ दुखु मोन्नायखौ फोरमायहरदों । गिबि मन्थि सर्बानन्द सनवालआ ड० जयन्त माधबनि जिउमाखौ राइज्योयारि मान थाखोजों बिदाय होनो थाखाय गोनांथारै राहा लानो चिफ सेक्रेटरिखौ बिथोन होदों ।□

सा–सान्जायाव सोलोंथायखौ जौगाहोनो थाखाय ब्रिटिस काउन्सिलआ एनइसिजों रदाय खालामसिगोन

राइज्योफोराव थानाय मुंलुगसोलोंसालिफोर आरो टेकनिकेल फसंथानफोरजों जयै खामानि मावनो गोसो जानायखौ फोरमायदों । बे भिडिअ कन्फारेसनि गेजेरजों डनार मन्थि सिंआ सा–सान्जा राइज्योफोराव सोलोंथायनि अनगायै फ्राइभेट सेक्टर कम्पानि आरो फालांगि बिथिडवबो फोजौंखां खामानि मावनो आरो हेफाजाब खालामनो थाखाय ब्रिटिस सरकारखौ हांखायदों । ब्रिटिस सरकारनि बे थांखि लानायजों सा–सान्जा राइज्योफोराव माखासे जौगा थाखोनि सोलोंथाय फसंथानफोराव फोरोंथाय होनाय बेलायाव साबसिन आरो जौगासिन्नो हानायखों मिजिंथिनो हाथाव ।□

आसामाव कभिड–१९ जों सा ७ सुबुंफोरनि जिउ गोमाबावदों

टुइटरनि गेजेरजों फोसावदों । मन्थि शर्माया टुइटराव फोसावनाय बायदियै जिउ ख'हा जानाय सुबुंफोर जादों फारियै कामरुप मेत्रनि ठाकुर दास पाल (६०), जरहातनि प्रेमधर बरुवा (९०), गलाघातनि लंकेस्वारि गौै (७०), तिनसुकियानि जगदिस आगरवाल (९२), कामरुप मेत्रनि कनिन्द्र महन गस्वामि (६२), प्रभाबाला बैन्स्य (६५) आरो फरिदा बेर्मांट (४२) । आसामआव दासिम करुना सन्देरजानायनि गेजेराव ८५.९९ जौखेन्दो रोगिफोरा फाहामथाय लानायनि उनाव गहाम देहायाव फैफिनबाय ।□

भारतयाव करुना भाइरास रोगिनि बिसानआ ७५.२ लाखनि बांसिन जाबाय

कभिड आयदानि सायाव प्रिडिक्सन मडेल थियारि खालामगासिनो । बिसोरनि रिसार्ज एबा नायबजिजरनायाव मोन्नाय बायदिब्ला भारतयाव कभिड–१९ नि साग्लोबनाय एबा सन्देरनाया फैगौ ३–४ दाननि गेजेराव बाडाइसिम जाहैगोन । बबेखानि फैगौ बोसोरनि फैबुवारी दानसिमआव हादतयाव कभिड–१९ एक्टिभ केसआ एबा कभिड–१९ नि रोगिनि बिसानआ ४० रोजासिमल’ जाहैगोन । मख'नाय जायोदि, रबिबारखालि हादतयाव ५६ रोजा ५२० गोदानै करुना सन्देरनाय मोन्नो हादों । बे सानखालि ६६ रोजा ४१८ सुबुंफोरा मोजाडाव फैफिन्दों आरो सा ५८१ सुबुंफोरा बे भाइरासजों जिउ ख'हा जादों ।□

दुंहाव थासारिनि गेजेरावनो लाहाखयाव भारतयारि सान्थिआ सासे चीना सान्थि हमदों

आजावना लानाय नेमखान्थि बायदियै चीननि सान्थिखौ गावनि हादतयाव दैथायहरफिन्नाय जागोन । चीननि सान्थि पिप्लएर्नि सिनारयथि गाब कर्परेल वांग या लॉनि महराव मिथिनो हादोंमोन । भारतनि सान्थिआ दासान्दि चीननि सान्थिखौ रैखाथि खालामनो थाखाय अक्सिजेन, जाग्रा आदार आरो गुरु जिजों लोगोसे देहा फाहामथाय होनायनि राहाखौबो थिसन्नाय जादों । मिथिनाय बायदिब्ला गोमानाय सान्थ्रनि सोमोन्दोयाव पिप्लएआ भारतनि सान्थिनो मोनसे खावलायनाय लाइजामखौ दैथायहरदों । सिमा ओन्सोलनि प्रटकल एबा नेमखान्थि बायदियै सान्थ्रनि सायाव सोंथि खालामनाय आरो नायबजिजरनाया आबुं जानायनि उनावनो फैगौ समाव चुसुल–मल्द'नि जथुमनायाव बे हमजानाय सान्थिखौ चीननि बिबानगिरिनि आखायाव गथायना होनाय जागोन ।□

डिटेन्स केम्पआव थानाय बांला रावआरि सुबुंखौ थाबैनो उदां खालामनो फरायसा आफादनि दाबि

जोबोद गाहाय थाखोनि एससि हारिनि सुबुंफोरखौ सरकार हालाइ–हाफाय थासारियाव खालामनायखौ रायखानानै फरायसा आफादआ थाबैनो डिटेन्स केम्पनिफ्राय उदां खालामनांगौनि दाबिजों लोगोसे देहायारि साजा होनाय थांखिखौ थोंजोडै बन्द’ खालामनांगौनि दाबि दैखाडो । रदाब बिबुंसाराव रायखानाय बायदिब्ला कक्राझार आरो गुबुन डिटेन्स केम्पआव बन्दि जानानै थानाय बांला रावआरि सुबुंफोरखौ फैगौ बिटिसि बिसायख'थिनि सिगां–सिगां उदां खालामाब्ला बिटिसि बिसायख'थियाव बेनि हेंथायै गोखों फिन्नाय होगोन होन्नानै सांग्रांथि होयो । मख'नो गोनांदि, थानाय १५ अक्ट'बराव गुवाहाटीयाव थानाय गोर सदनाव एससि हारि फरायसा आफादनि मोनसे मावफुं मेलखौ खुंनाय जायो आरो बे मावफुं मेलआवनो सरकारनि सुबुंफोरखौ हालाइ–हाफाय खालामनाय सोमोन्दोयाव गोनांथारै सावरायो आरो माखासे बिथांखिफोर आजावना लायो ।□

सालबारियाव इउपिपिएल दोलोआ दाखोर–दाला सिबस्त्रांदों

इउपिपिएल दोलोआ समाजनि मोनफ्रोमबो बिथिडववनो साखोन–सिखोन जानायखौ हास्थायदों । बे रोखोमै थानाय १७ बोसोराव नुजाथिनाय बिटिसियाव हाग्रामा महिलारिनि दैदेन्नाय बिपिएफ दोलोआ गोबां गेना खान्थि आरो बेले–बेजे जाथायफोरखौ होस्त्रानानै समाजखौ गोग्गो आरो साखोन–सिखोन खालामनाय जागोन । लोगोसे फैगौ बिसायख'थियाव देरहानानै इउपिपिएल दोलोआ ओन्सोलाव मोनसे गोग्गो आरो उदां गेनाखान्थि गैयै सरकार दाफुंगोन होन्नानै इउपिपिएल दोलोनि बिजाथि बिनद मुसाहारिया बुंथियो । मेलआव इउपिपिएलनि गोबां दैदेनगिरिफोर फारियै कनक चन्द्र बर', बिउटि बसुमतारि, सैत्यजित बर', कमल नाजारि, चक्रधर बसुमतारि, अकन नाजारि आरो एबसुनि दैदेनगिरि उमेस दैमारियाबो बाहागो लानानै बिबुंथि लाखिदों ।

भबानिपुर, १९ अक्ट'बर: सालबारिनि थागिबि आइजो बिमला मुसाहारिया ७५ बोसोर बैसोयाव दिनै गावनि थाग्रा खुलियावनो जोबथा हां बोबाय । समाज सिबियारि, गागि आइजो बिमला मुसाहारिया थैनाय समाव बिटिसिनि सालबारि बियाबनि इउपिपिएल दोलोनि बिजाथि बिनद मुसाहारि एबा सासेल’ फिसान्त्ता, सानै फिसाजोजों लोगोसे बाय–बाहागि सोद्रोमाफोरखौ बे संसारनिफ्राय नागरना थानायाव बनि रुंसारि जानायखौ सालबारि ओन्सोलनि राइजो–राजाफोरा दुखु मोन्नाय फोरमायदों । बेनि उनाव रुंसारि बिमला मुसाहारिखौ गावनि थाग्रा न'नि लांगोनायाव जोबथा बिदाय होनाय जादों होन्नानै जायगानि सुलुडा फोरमायदों□

केन्द्रीय आरो नबदया फरायसालिफोरा खुलिफिन्नो थाग थियारिसै

थागथियारि खालामनाया गोखोडै सोलिगासिनो । उत्तर प्रदेश, पान्जाब, हिमाचल प्रदेश आरो सिक्किम बायदि राइज्योफोराव समबारखालि फरायसालिफोरखौ खुलिफिनवाय । बुब्लियावनो केन्द्रिय बिदालय आरो नब'दय बिद्यालय बायदि सोलोंथाय फसंथानफोराबो हादतनि गेजेराव थानाय गावसिनि फरायसालिफोरखौ बेखेवफिन्नो थाखाय साखा–फारा जादों । बबेखानि बेफोर फरायसालिफोरखौ फैगौ २ नभेम्बरनिफ्राय बेखेवफिन्नो थाखाय साखा–फारा जादों । सोलिफु समाव दुलाराइ हादतनाडै खमैबो १२५० केन्द्रिय बिद्यालय आरो गं ६५० नब'दय बिद्यालयफोर दं । बे फरायसालिफोराव खमैबो १५ लाख फरायसुलि फरायसुलाफोरा फरायो । फरायसालि बेखेवफिन्नायनि थाखाय मिरु सोलोंथाय आफादआ फरायसा आरो सोलोंथाय फसंथान खुंथायफोरनो माखासे गोखों गाइडलाइनफोर होखानाय जादों । गाइडलाइन बायदियै फरायसाफोरा फरायसालियाव थानाय समावनो मास्क गान्नाय आरो समाजयारि जान्थायखौ मानिनानै सोलिनांगोन । लोगोसे लान्स आरो दै बथलजों लोगोसे सेनिटाइजार लांफानायाबो गोनं जागोन । फरायसाफोरखौ टार्मेल स्क्रेनिं आरो गनायथि फोरमान बिलाइ मोन्नायनि उनावसो फरायसालि सिडाव हाबनो होगोन । मिरु सरकारा गाइडलाइन आरो बिथोनथि होनाय बायदियै दासान्दि दुलाराइ हादतनाडै नो गासै राइज्योफोराव फरायसालि आरो सोलोंथाय फसंथानफोरखौ खुलिफिन्नो थाखाय थागथियारि खालामनाया गोखोडै सोलिगासिनो ।□

आसाम–मिजराम सिमनानि जाथायखौ गाहाय मन्थिजों गिबि मन्थिआ सावरायदों

आयदानि सायावबो मिथिहोदों । सिमा ओन्सोलाव दासान्दि सोलिनाय आइन आबूथिनि थासारिखौ होवथानायनि थाखाय राइज्यो सरकार आजावना लानाय रहानि सायावबो आसामनि गिबि मन्थिआ गाहाय मन्थिनो फोरमायथिदों । बे सावरायनाय समावनो गाहाय मन्थि नरेन्द्र मदिआ दरनै राइज्योनि गेजेराव नुजाथिनाय थासारिनि जेंनाखौ समाधान खालामनायनि थाखाय मिरु सरकारनि फारसेनिफ्राय गोनांथि बायदियै थोजासे राहा लागोन होन्नानै गिबि मन्थि सनवालनो बाभ्रा होदों । मख'नो गोनांदि, गाहाय मन्थिजों दिने टेलिफनाव सावरायनायनि सिगां गिबि मन्थि सनवालआ आसाम–मिजराम सिमायाव नुजाथिनाय थासारिनि सोमोन्दोयाव मिरुनि नखर मन्थि अमित शाहनोबो टेलिफननि गेजेरजों सावरायनाय समाव आबुं बाभ्राफोरखौ मिथिहोबावदों । मिरुनि नख'र मन्थिआबो दरनै राइज्योनि सरासनस्त्रा सुबुंफोरनि गेजेराव नुजाथिनाय बेबायदि थासारिनि जेंनाखौ बोखानायाव मिरु सरकार गोनांथारै मदत आरो हेफाजाब होगोन होन्नानै गिबि मन्थि सनवालनो बाभ्रा होयो । गुबुन फारसेथिं मिजरामनि गिबि मन्थि जराम तांगायाबो मोनसे टुइ्ट खालामनानै दरनै राइज्योनि गेजेराव नुजाथिनाय दुंहाव थासारिनि फारसे गिबि मन्थि सर्बानन्द सनवालआ लानाय गोनां हाबाफारिखौ बरायदों । गिबि मन्थि सनवालनि बेबायदि हाबाफारि लानाया सा–सान्जा राइज्योफोरनि गेजेराव थानाय बिदा–फेबायनि सोमोन्दोआ आरोबाव साबसिन आरो गोखोंसिने जागोन होन्नानै मिजरामनि गिबि मन्थिआ मिथिहोयो ।□

खुंथाय मोन्नो थाखायनो राजखान्थि दोलोफोरा बिटिसियाव नंखाय बाभ्रा बुडो: ड० अन्जलि दैमारि

बुंनांगौ, हाग्रामा महिलारिनि १५ बोसोर खुंथायनि समाव बिटिसियाव जेबो रोखोमनि जौगाखाडखै होन्ना । बिथाड गुबुन मोनसे आयदानि सायाव बुंवावोदि, ओन्सोलाव गाहायनिफ्राय खुंथाय सामलायबोनाय हाग्रामा महिलारिनि दैदेन्नाय बिटिसियाव दासान्दि जौगाखांनि महरखौ मोनफ्रोमबो बिथिडववनो नुनो मोन्दों । हाबाफारियाव पानेरि बिधान सभा बियाबनि एमएलए कमलि बसुमतारियाबो बाहागो लानानै बुडोदि, इउपिपिएल दोलोआ बिटिसिनि खुंथायखौ दखल खालामनायनि थाखाय जैरेबायदि नंखाय बाभ्रा बुंनायखौ बिटिसिनि राइजो–राजाफोरा बुजिनो आरो हमदांनो हाजोबबाय । सरकारि आवाज न’ सरकारि साग्रि, सेल्फ–हेल्फ ग्रुपफोरनो रांखान्थि मदत होनायजों लोगोसे गुबुन गुबुन रोखोमनि नंखाय बिथांखिफोरखौ इउपिपिएल दोलोआ राइजो–राजा सुबुंफोरनो मुलाम्फा होनो इउपिपिएल दोलोआ बाभ्रा होनायखौ राइजो–राजाफोरा नंखाय होन्नानै बुजिनो हाबाय । ४ थि खेबनि थाखाय बिटिसियाव बिपिएफ दोलोआ सरकार दानो हागोनआ रोखा । हाग्रामा महिलारिनि गोखों दैदेन्नाय आरो समान जौगानायखौ बिटिसिनि राइजो–राजाफोर अराय सम हास्थायबोदों । बिथाड बुंवावोदि, उदालगुरि जिल्लानि मोन १० बियाबनि गेजेराव गासै बियाबफोरखौनो देरहानो हानानै बिपिएफ दोलोआ सरकार दाफिनगोन होन्नानै दाबि खालामो । बे मेलआव कलाइगाव बिधान सभा बियाबनि एमएलए महेश्वर बर'आबो बाहागो लादोंमोन ।□

रुंसारि नलित बर'नि सारादुखौ बुधबारखालि खुंनो लाहार–फाहार

बर'नि सारादुजों लोब्बा लाखिना बरपेटा जिल्ला बर’ थुनलाइ आफाद आरो गुबुन गुबुन आफादनि दैदेन्नायाव फुंनि १० रिगानिफ्राय मोनसे गोसोखं सावराय मेल खुंनाय जागोन । रुंसारि नलित बर'नि सारादुखौ सानसेनि हाबाफारि लानानै खुंनो लानाय बायदियै गोजौयाव मख'नाय अक्टखालि फुंनि ८.३० रिगायाव रपेटा जिल्ला बर’ थुनलाइ आफादनि फिर्फिला बिर्होनाय, ९.०० रिगायाव गोसोखं खाम्फा बेखेवनाय, बिबार बावनाय, १०.०० रिगायाव गोसोखं सावराय मेल, बिसम्बि बेखेवनाय आरो बेखेवगोन बर’ थुनलाइ आफादनि लेडइ आफादगिरि सितारा बसुमतारि, बे बेखेवनाय हाबाफारियाव बुंथिगिरि आलासि महरै बाहागो लागोन ६३ नं सापारुगि बियाबनि एमएलए तानेश्वर बसुतारि, बाराग’ मावफुं सोद्रोमा अन्सुमै खुंगुर बर’, बर’ थुनलाइ आफादनि मिरु मावफुं सोद्रोमा ज्योति बर’, बरपेटा जिल्ला एक्सुनि आफादगिरि महिपाल बर’, बरपेटा जिल्ला इउबिपिअनि आफादगिरि जयकान्त रमचियारि, बरपेटा जिल्ला इउनिट एप्टिएसनि आफादगिरि सतिस सनामुलिया, बर’ लाइमोन लिरिगिरि गौथुमनि आफादगिरि अमब्रित खेरखातारि, समाज सिबियारि कमलेश्वर मेदिमोनहानो गाहाय । बिथां रुंसारिनि सारादुयाव दुखुथिया नख'रखौ गोजोनप्लाय हौफेनो थाखाय राइजो–राजाफोरखौ बाहागो लानो गुर्यै खावलायहरदों ।□

दुलाराय आसाम लुफुंग्रा मावफारि गौथुमआ लेबारफोरनि थाखाय अन्साय बिथांखि थिसन्नो दाबि खालामदों

मोन्नो हादों । मिरु आफादनि आफादगिरि अनिल बर्मनआ बुडोदि, दुलाराइ राइज्योयाव गुबुन गुबुन बिल्डिं लुफुंनाय आरो लुफुंनाय खामानिजों लोब्बा थानाय लेबारफोर बायदिसिना जेंनाफोरजों मोगा–मोगि जानांदों । अन्साय बिथांखिनि सोमोन्दै सरकार जेबो रोखोमनि सांग्रांथि आरो फोसावनाय गैथैनि जाहोनाव लेबारफोर बेफोर खाबुखौ मोन्नो हायाखै । बिथाड बुंवावोदि, लेबार गौथुमआ राइज्योनि गामियारि ओन्सोलआव अन्साय बिथांखिनि थाखाय सांग्रांथि हाबाफारिखौ खुंनाय जागोन । बिथाड बुडोदि, राइज्यो सरकार सानफ्रोमबो गुबुन गुबुन खामानिनि लुफुंनायाव लोब्बा थानाय लेबारफोरखौ फोजौंखानाय, मुलाम्फायारि खालामनाय बिथिडव हेफाजाब होनांगौ होन्नानै बुंवावो । लोगोसे राइज्योनि गासैबो लेबार सुबुंफोरखौ जाहाथे सरकारनि अन्साय बिथांखिफोरनि खाबुखौ मोन्नो हायो बेनि थाखाय साफ्रोमबो लेबार अफिसयाव गाव–गावनि मुंखो थिसन्नानै लानांगौ होन्ना गोनांथारै फोसावो ।□

३९ नं पासनै सेरफां बियाबयाव इउपिपिएल दोलोनि मावफारि मेल

दासान्दि फोसावदिंनाय आरो मेल–मिथिं खुंनायफोरा सोलिगासिनो दं । दुलाराइ बिटिसि ओन्सोलाव बे फोसावदिंनाय खामानिया सोलिबाय थानायनि समावनो दिनै उदालगुरि जिल्लानि ३९ नं पासनै सेरफां बियाबयाव इउपिपिएल दोलोनि मोनसे मावफारिया मेलखौ खुंनाय जायो । बे मेलआव बियाबनि इउपिपिएल दोलोनि मोन २७ बुट कमिर्टिनि मावफारियाफोरा बाहागो लादोंमोन । बे मावफारि मेलआव बुंथिगिरि महरै बाहागो लादोंमोन उदालगुरि जिल्लानि इउपिपिएल दोलोनि मिरु नेहाथारि कमल चौधुरि, लेडइ आफादगिरि जयनाल आलि, रबिन्द्र मुसाहारि, सिर्डब्लउर्सिनि सोद्रोमा सन्जिब दैमारि आरो दोलोनि नेहाथारि जतिस चन्द्र खाक्लारिजों लोगोसे पासनै सेरफां बियाबनि इउपिपिएल दोलोनि बिजाथि दिपक बरालाबो बाहागो लादोंमोन ।□

गसाइगावयाव लामानि जाब्रबथायाव लाइमोननि जिउ ख'हा

गसाइगाव, १९ अक्ट'बर: गसाइगाव सदर सहरनि नांजाबनाय ३१ नं माहारियारि राजा लामायाव दिनै फुंनि समाव लामानि मोनसे हरखाब जाब्रबथायाव सासे लाइमोनआ जायगायावनो जिउ ख'हा जानायजों लोगोसे गुबुन सासे गथ'सायाबो गोब्राब जोखोम जानानै दासान्दि फाहामथाय लागसिनो दं । जिउ ख'हा जानाय लाइमोनखौ गसाइगाव महकुमानि १ नं हुटुमखाथा गामिनि आन्दुल मज्दिद आहमेदनि फिसान्ज्ला सामिनुर आलि (२२) आरो जोखोम जानाय गथ'साखौ १ नं तेंनारबिता गामिनि महामद इनसाननि फिसान्ज्ला मुस्तापा आलम (१४) होन्नानै मिथिनाय

जादों । जाथायनि बागै मिथिनाय बायदिब्ला जिफ ख'हा जानाय लाइमोन आरो गथ'साया ए एस १६ ए/२४४९ नम्बरनि मथरसाइकेलजों श्रीरामपुर फारसे थांबाय थानायावनो ए एस १६ सि/२५९२ नम्बरनि ट्राकजों सौग्रावो । जायनि जाहोनाव सामिनुर आलिया जायगायावनो जिउ ख'हा जायो । बे जाथायनि सायाव खौरां मोन्नानै जायगानि पुलिसआ जाथायथिलियाव सहैनानै जोखोम जानाय गथ'साखौ गसाइगाव आरएनबि देहा फाहामसालियाव थिसन्नायजों लोगोसे थैनाय लाइमोननि गोथै सहखौ परस्टमेंटम खालामनो थाखाय कक्राझारसिम दैथायहरदों ।□

जेनेलियाआ करनानिफ्राय उदां जानानै गोदान महाराव



गोदान दिल्ली, 19 अक्टूबर: बलिउडनि फावखुंग्रि जेनेलिया देशमुखआ बुंन्याय बादिल्ला, करना भाइरासनि दावहाया गोबां जेना गोनां, मानोना जेसेबां डिजिटली एक्टिभ थायामानो बेयो हासिंडे मोन्दांथिनायखौं गोजान खालामा। आगस्ट दानआव जेनेलियानाव करना भाइरासनि पजिटिभ मोन्नाय जादोंमोन। शनिबारआव बिनि करना रिपर्टआ नेगेटिभ फैदों। फावखुंग्रिआ गावनि इनस्टाग्राम पस्टआव लिरदोंमोन 3 सप्ताह सिगां आनि कभिड-19 टेस्टआ पजिटिभ फैदोंमोन। आंनाव थांन्याय 21 सानफोरनिफ्राय लोखोन मोनाखौंमोन। भगवाननि अन्नायजों आथिखालआव आंनि करना टेस्टआ नेगेटिभ फैबाय। नाथाय थांन्याय 21 सानफोरा आंनि थाखाय गोबां जेना गोनांमोन। जेनेलियाआ बुंन्यायदोंदि, आं आंनि नख 'रनि सुबुंफोर आरो आंखौं मोजां मोनग्राफोरजों फैफिन्नानै गोबां गोजोन्नाय मोन्दों। नोंथांमोनहाबो बैसोरनि खाथि-खालायवा था, जाय नोंथांखौं आरो नोथाडा जायखौं मोजां मोनो, मानोना गोहोनि थाखाय अन्नाय होनाया गोबां गोनांथार। करना टेस्ट खालामजानांगौ, गाहाम देहा लाखिनांगौ, मोजां जाग्रा आदार जानांगौ आरो बे इन्फेक्सनखौं फोजोबक्सानांगौ।

बिमा गदायनि फंबायखौं जुलि लानो सान्दोंमोन सारा आली खानआ

गोदान दिल्ली, 19 अक्टूबर : बलिउडनि फावखुंग्रि सारा आली खानआ गोबां खम समावनो सावथुन इन्डास्ट्रीआव गावनि सिनायथिखौं बानायना लानो हादों। बियो गावनि समायना महरजों लोगोसे गोबां नाजानायनि थाखाय मुंदांखा। नायगिरिफोरा सावथुनआव बिनि फाव खालामनायखौं गोबां बाख्यादों। बियो ससियेल मिडियाआव गोबां एक्टिभ थायोमोन, नाथाय ड्रागसनि नायबिजिरनायाव बिनि मुडा सोराडाव फैनायनि उननिफ्राय बियो थांन्याय माखासे समनिफ्राय ससियेल मिडियाआव खम एक्टिभ जादों। बिखौं सम-सम ससियेल मिडियाआव गावनि फेन्सफोरनि सिगाडाव गावनि समायना सावगारिफोर आरो भिडिअखौं सेयार खालामनाय नुनो मोन्दों। आथिखालआव बिनि थाखाय लाख-लाख सुबुंफोरा जावलिआ जादों। सारा आली खानआ मोनसे श्व'आव गोमोथाव बाश्राखौं फोरमायदोंमोन। बे श्व'आव साराखौं गावनि बिफा सेफ आली खानखौं बुंन्याय नुनो मोन्दोंदि, बियो रणबीर कापुरजों



जुलि जानो हास्थायो आरो कार्तिक आर्यनजों लोगोसे डेटआव थांनो हास्थायो। साराया गावनि बिफा सेफ आली खानजों मोनसे कफी स्वआव थांदोंमोन। स्व'आव गावनि पार्सनेल आरो प्रफेसनेल लाइफजों सोमोन्दो गोनां माखासे थाखोमाना थानाय बाश्राफोरखौं सेयार खालामदोंमोन। श्व'आव करणआ सारा आली खाननाव मोनसे बिजों सोमोन्दो थानाय बाश्राखौं सोंदोंमोन, जायखौं

साराया गोबां साहसजों फिन्नाय होदोंमोन। साराया बुंन्याय, गाव गावनि बिमा गदाय करिनानि फंबाइ रणबीर कापुरजों जुलि जानो हास्थायो। बियो बुंन्यायदोंदि, गाव रणबीरखौं डेट खालामनो हास्थायो नाथाय जुलि लानो हास्थायो। करणआ सारानाव आरोबाव सोंबावदोंदि, सोरजों डेट खालामनो हास्थायो, अब्ला बियो फिन्नाय होनानै कार्तिक आर्यननि मुंखौं फोरमायो।

पेरिसआव फोरोंगिरिनि गोदोना हास्रोदनायखौं इन्टलारेन्स गॅनि सिरि थानायखौं कंगनाआ सोंखारिदों

गोदान दिल्ली, 19 अक्टूबर : सावथुन फावखुंग्रि कंगना रनटआ पेरिसआ मिडिल फरायसालिनि जारिमिनि फोरोंगिरिखौं गोदोना हास्रोदनाय बुथारनायनि सायाव भारतआव इन्टलारेन्स गॅनि सिरि थानायनि सायाव सोंथि सोंदों। कंगना रनटआ शनिबारआव पेरिसआव जानाय फरायसालिनि फोरोंगिरिखौं बुथारनायाव गोमोनायखौं फोरमायदों आरो बेनि सायाव गोखौं बाश्राबो बुंदों। मख'नो गोनांदि, थैनाय फोरोंगिरिया गावनि फरायसाफोरनो प्रफेट महम्मदनि बानायनाय कार्टुनखौं दिन्थिदोंमोन। कंगनाया बेखौं इन्टलारेन्स टु क्रिटिसिजमखौं फोरमायदोंमोन। कंगना रनटआ टुइट खालामनानै सोंथि सोंदों मोनसे कार्टुननि थाखाय फोरोंगिरिनि गोहोनाखौं हाखोददों। जों खालि बेखौल' सान्दो हायोदि जेव्हा भारतआव गाग्लोबनाय जादोंमोन अब्ला बिसोरो मा मा खालामदों जानांगौ। आथिखालनि डिजिटल आरो लिरनाय फरायनायनि मुगायाव बे रोखोमनि जाथाया जादों आरो भारतआव बै समनिफ्राय लानानै दासिम मा मा जाथाय जानायखौं सुबुंफोरा भुगिनांदों जानांगौ। गुबुन मोनसे टुइटआव



बियो लिरदोंदि, सावरायनायखौं लानानै आरो हौवा गाहाय समाजखौं लानानै मोनसे धोरम दड; जायखौं गोबां सहायनांगौ जायो, बेनि थाखायनो गाव बे बाश्राखौं लानानै गोबां जिगा सिदों। आइजोफोरखौं थांनानै थानाय समाव सम्मान खालामा, जिब जुनातफोरखौंबो सम्मान खालामा, बिफां लाइफांफोरखौंबो सम्मान खालामा। नाथाय आथिखालाव बेफोरनो गोखौं ये जौगाखांगासिनो दड आरो माखासे लिरनो फरायनो रॅनाय सुबुंफोरा सम्मान होयो। मख'नो गोनांदि, जारिमिनि फोरोंगिरिनि गोदोना हास्रोदरा दायनिगिरिखौं पेरिसआव पुलिसआ गुलि गावना बुथारदों। दायनिगिरिया गासै 5.00 रिगायाव दाबा सुरिजों फोरोंगिरिखौं गाग्लोबदोंमोन। बेनि उनाव गुलिजों गावदों।

गाहाम देहानि राहा

आपेल बिगुरआ इम्युन सिस्टेमखौं गोखौं खालामो

आपेल फिथाइआ देहानि थाखाय गोबां मुलाम्फा गोनां। जर'खाफोरनि बादिल्ला, देहाखौं गोगो लाखिनो थाखाय सानफोरमबो थाइसे आपेल जानांगौ। बेजों देहाया गासैबो पषक तत्वखौं मोनो हायो। बेराफासै आपेल फिथाइनि बिगुरआबो माखासे बेरामफोरव मुलाम्फा गोनां। आथिखालनि करनानि थासारिआव इम्युन सिस्टेमखौं गोखौं लाखिनायाव आपेल फिथाइनि बिगुरआ मुलि बायदि। इम्युन सिस्टेमखौं गोखौं खालामनो थाखाय आपेल बिगुरखौं मा बादिये बाहायनांगौ मिबथिना लादिनि-आपेल बिगुरआ देहानि पिइइसखौं सामलायनानै लाखियो। जायखि-जाया मुवा-बेसादआव थानाय रसायनारि बिबां, एसिडिटी बायदिनि जखाखौं पिइइस बुंन्याय जायो। बेयाव समानथि एबा बेलेन्स गैयाब्ला माखासे जेना सोमजियो। आपेल बिगुरआ देहानि पिइइसखौं बेलेन्स



लाखिनायाव गाहाय बिफाव लायो। जॉनि देहायाव 1-14 सिम पिइइस थायो। 7.3 निफ्राय खमसिन पिइइस थायोब्ला बेनि ऑथिया गोबां बिबानि एसिडिटी आरो 7.45 निफ्राय बांसिन थायोब्ला गोबां साब्जाथावे जायो। सानफोरमबो फुडाव आपेल जायोब्ला इम्युन सिस्टेमआ गोखौं जायो, लोगोसे उदैआबो गाहामै थायो। आपेल फिथाइनि बिगुरखौं बेरे मोदैजों जायोब्ला गगा मोन्नायाव आराम मोनो। बेनि थाखाय सामुससे आपेल बिगुर, 2 सामुस बेरेमोदै लानानै दुखुद दैयाव गलायनानै लोंनांगौ।

आपेल बिगुरखौं थोजोडै बाहायनो मोजां मोनाब्ला बाजारआव बेनि केप्पुलबो मोनो, बेखौं जानो हायो। अदेबानि बेयाव प्रेस बिगुरनि समान भिटांमिन थाया, अब्लाबो देहानि थाखाय मुलाम्फा गोनां जायो। लोगोसे इम्युन सिस्टेमआबो गोखौं जायो। नोजोर होनो गोनांदि, आपेल बिगुरखौं जानायनि सिगां मोजाडै सुना लानांगौ। (जायखि-जाया गाहाम देहानि राहाफोरखौं आजावनायनि सिगां डाक्टरनि सुबुकुन लानाया गोनां)।

हाथायखौं गाहामै लाखिनायनि माखासे राहा

आथिखालनि बोथोरआव देहाखौं गोगोयै लाखिनाया मोनसे गिदिर सेलेन्स। बेनि थाखाय नेमखान्थि बादिये जानाय-लौनाय आरो बेलेन्स लाखिना जानांगौ-लौनांगौ। जाग्रा आदारखौं अरिलना जानो थाखाय गोखौं हाथायनिबो गोनांथि जायो। बोराय-बुरै बैसोआव हाथाय गनाय आरो लोरबां जानाया मिथिगायारि, नाथाय खम बैसोआवनो हाथायनि जेना नुजाथियोब्ला बेयो जिगांनि आयदा। बेनि थाखाय हाथायफोरखौं जोथोन लानाया गोनांथार। बेनि थाखाय गाहायनि मोनबा मुवाफोरखौं डाइटआव लाफानाया गाहाम। बेफोर जादों-



फुल कपि बायदिखौं जानांगौ। (2) डाइटआव गाइखेर, गाइखेर दाखा, पनीर बायदिखौं जानांगौ। बेयाव केलसियाम आरो भिटांमिन सि मोन्नाय जायो। बेजों हारा बेगेंफोरा गोरा जायो। (3) दावदैआ प्रतिनि फुंखा। लोगोसे बेयाव भिटांमिन डि आरो केलसियामबो मोन्नाय जायो। हाथायखौं गोखौं आरो गाहामै लाखिनो थाखाय डाइटआव दावदैखौं जानांगौ। (4) दैआ देहानि थाखाय गोनांथार। बेजों देहायाव थानाय टक्सिनआ बाइजोआव ओंखारो।

लोगोसे बेयो खुदैखो साबसिन जाहोयो। दैयाव गोबां पषक तत्व मोन्नाय जायो, जायफोरा गाहाम देहानि थाखाय मुलाम्फा गोनां। (5) ग्रीन टीआव एन्टिअक्सिडेन्टस गुन मोन्नाय जायो। बेजों देहा-सोलेरनि लिरथाया खम जानायजों लोगोसे खुगायाव बिजानु गोसारनायखौं होबथानायावबो हेफाजाव होयो, जायजों हाथाय आरो हाथाय मोदोमफोराव जानो गोनां बेरामफोरनि जेनायाबो खम जायो।

डर सावथुन शुटिंआव शाहरुखनि थाखायनो सनी देउलआ खुद्रीखानो गोनां जादोंमोन



गोदान दिल्ली, 19 अक्टूबर: बलिउडनि एक्सन हीर' सनी देअलआ 19 आगस्टआव गावनि 60 थि जोनोम सानखौं फालिदों। सनीआ 1983 आव सावथुन बेताबजों बलिउडआव गावनि के रियारखौं जागायदोंमोन। सनीनि जोनोम सानआव बिजों सोमोन्दो गोनां माखासे बाश्राफोरा सोराडाव फैदों। सनी आरो शाहरुखआ सावथुन डरआव लोगोसे फाव खालामदों जेयव बिसोर सानैजों लोगोसे जुहि सावलायाबो गाहाय फाव खालामदोंमोन। सनीआ मोनसे स्विन समाव फोरमायदोंमोनदि, डरनि सेटआव गाव यश चपड़ाजों दान्थे-बिदान्थे जादोंमोन। सनीआ बुंदोंमोन-आं बिनो

फोरमायदोंमोनदि, आं सावथुनआव कमान्ड अफिसारनि फाव खालामदों। आंनि केरेक्टरआ गोबां एक्सपाट आरो पिटमोन अब्ला माबोरै सासे हौवाया आंखौं गोलेयैनो बुनो हानो। बियो आंखौं बै समाव बुनो हागोन जेव्ला आं बिखौं नुनाय नडा नाथाय बियो आंखौं बै समाव बुनो हानाय नडा जेव्ला आं बिखौं नुयो। जुदि बेबादि जायोब्ला आंखौं माबोरै कमान्ड बुंगोन। जेव्ला डिरेक्टरआ सनीनि बाश्राखौं मानियाखे अब्ला रगा जौनानै सनीआ गावनि आखाइजों गावनि पेन्टखौं बिसिदोंमोन। सनीआ बुंन्यायदोंमोन आं मिबथियाखेदि आं आंनि आखाइजोंनो गावनि पेन्टखौं

बिसिदों। बे सावथुननि रिलीसनि उनाव सनीआ शाहरुखजों रयज्लाया होनानै खौरां फैदोंमोन। बेनि सायाव सनीआ बुंदोंमोन बेबादि नडादि, आं बाश्रा रयज्लायाथारा। आं बांश्राय ससेल नडामोन बे जाहोननि थाखायनो जों माब्लाबाबो लोगो मोनलायाखे आरो बाश्रा रयज्लायानो बाश्रायानो गैया। मख'नो गोनांदि, सानैबोनि गेजेरनि दावराव-दावसिनि खौराड बै समाव बन्द जादों, जेव्ला सनीआ गावनि फिसाज्ला करण देअलनि डेब्युखौं एनाउन्समेन्ट खालामदोंमोन। बै समाव शाहरुखआ करण आरो सनी सानैखौंबो गाहाम हामलायथि बाउहरदोंमोन।

सुंदोब समनि गेजेरावनो स्मिता पाटिलआ मुंदांखा जादों

गोदान दिल्ली, 19 अक्टूबर : मुंदांखा फावगिरि स्मिता पाटिलआ भारतीय सावथुननि थरसे जोंखोल हाथरखि, जाय सरासन्ना सावथुनजों लोगोसे कमासियेल सावथुनआवबो गावनि सिनायथिखौं बानायनो हादों। बियो भारतजों लोगोसे गुबुन हादतआवबो मुंदांखा जादों। नाथाय 31 बे सोर बैसोआव बियो रूसारि जादों। 19 अक्टूबरआव बिनिनो

जोनोम सान, जायखो बिनि फेन्सफोरा गोसो खांदों। मख'नो गोनांदि, फावखुंग्रिआ 17 अक्टूबर 1955 आव जोनोम जादोंमोन आरो 13 डिसेम्बर 1986 आव बे मुलुगखौं नागरानै थांदोंमोन। गासै 20 बोसोरसिम गावनि गोखौं अभियानजों नायगिरिफोरनि गेजेराव जरखा सिनायथि बानायनो हानाय स्मिता पाटिलआ राजखांथि नख 'रजों सोमोन्दो

लाखियोमोन। बिनि बिफा शिबाजी राय पाटिलआ महाराष्ट्र सरकारआ व मन्थ्रमोन, जेराव बिनि बिमाया समाजनि सिबिथाय होग्रामोन। गावनि बिमानि जाहोनावनो फावखुंग्रिया मोजां सरासन्ना सावथुनआव फाव खालामदों आरो आइजोफोरनि सानसे गोखौं सान्याय हनायनि सिनायथिखौं होनो हादों। दासिमबो बिजों लोगोसे फाव खालामफानाय



लोगो फावखुंग्रिफोरा बिखौं बाख्यायो आरो बिनि फावनि थाखाय जावलिआ जायो। फावखुंग्रिआ सिगाडाव पुणेआव सोलेंथाइ लादोंमोन आरो उनाव बिनि नख 'रनि सुबुंफोरा मुम्बाइआव फैयो। बेवहाय बियो गावनि बिब'नि लोगोनि हेफाजाबजों दुरदर्शन माराठीआ एंकरनि साखि मोन्दोंमोन। कलेजनि सोलेंथाइखौं फुरा खालामनायनि उनाव बियो

माराठी टेलिभिसनआव एंकरनि हाबाफारि मावदोंमोन। बे समावना बियो मुंदांखा बानायगिरि बिथोनगिरि श्याम बेनेगलजों लोगो मोनलायदोंमोन। बे समाव बेनेगलआ गावनि सावथुन चरण दास चरखौं बानायदोंमोन आरो बे सावथुनआवनो फावखुंग्रिया गिबि खेब खाबु मोन्दों। बे सावथुनआ भारतीय सावथुन मुलुगनि जारिमिनारि

सावथुनफोरनि गेजेराव मोनसे। बे सावथुनआव स्मिता पाटिलआ गोबां मोजां फाव खालामदों, जायखौं नुनानै श्यामआ स्मिता पाटिलनि मुंखौं बावाखै। बेनि उनाव 1975 आव श्याम बेनेगलआ आरोबाव मोनसे सावथुनखौं बानायदों, जायनि मुडा निशान्त मोन आरो बे सावथुनआवबो स्मितायावो फाव खालामनो खाबु मोन्दोंमोन।

फाहामथाय गैयै बेरामाव गोग्लैनाय उन्दैफोरखौ बुथारनो हानाय नेदारलेन्डआ आयेन दाबाय



गोदान दिल्ली, 19 अक्टूबर : नेदारलेन्डि डाच सरकारआ फाहामथाय गैयै एबा गोब्राव रोखोमनि बेरामि उन्दैफोरनि अदेबानि बेनि थाखाय बिमा बिफानि गनायथि लानाया गोनां जागोन। गुबुन फार्सेंथिं बे

थांखिजों फाहामथायनि बिथिंआव फोथैनायखौ लानानै दान्थे-बिदान्थे जादों। खायसे फसंथानफोरनि बादिब्ला, बे उन्दै गथ'फोरखौ मुलि होनानै गोथाडे लाखिनो हायोब्ला मानो बेबायदि फोथैनो बांसिन जरखाफोर आरो आयेन बानायगिरिफोरा बे गोदान आयेनखौ गनायथिदों। मख'जाथावदि, नेदारलेन्डआव बोसोरसे फाहामथाय गैयै बेरामजों भुगिनाय उन्दै गथ'फोरखौ बुथारनायनि गनायथि होनाय जाबाय, बेखौ लानानै डाच गाहाम देहा बिफाननि मन्थि ह्युग डी जंआ बेरामि उन्दै गथ'फोरखौ फोथैनायनि आयेननि नेमखाथिखौ बांहोनो थांखि लादों। जाहाथे 12 बोसोरसिमनि उन्दै गथ'फोरखौ गोदान आयेनआव लाफानो हायो। गोदानै पास जानाय आयेनखौ लानानै जरखाफोरा बुंदोंदि, नेदारलेन्ड सरकारआ जायफोर सुबुंफोरा बेरामनिफ्राय रैखाथि मोन्नायनि लामायाव

दावहा दोन्थ 'नाय फोसावनायनि 4 मिनिटनि उनावनो आर्मेनिया-आजेरबैजाननि दावहाया जुरिफिन्दों



येरेवन, 19 अक्टूबर: आर्मेनिया आरो अजारबेजानआ रबिबारखालि जेना गोनां ओन्सोल नागर्न काराबाखआव गावजों-गाव दावहा दोन्थ 'नायखौ सिफायनायनि दाय जाबसिनलायदों। थांनाय शनिबारखालि हरनि 12.00 रिगानिफ्राय दसैबो हादरआ नागर्न काराबाख ओन्सोलाव दावहा दोन्थ 'नायखौ गनायथिनो थाखाय थियारि जादोंमोन। बिबिसिनि बादिब्ला, आर्मेनियानि रैखाथि बिफानआ दाबि दैखानाय बादिब्ला, अजारबेजानआ थांनाय शनिबार हरनि 12.00 रिगियाव दावहा दोन्थ 'नायखौ फोसावनायनि 4 मिनिट उनावनो कामाननि गुलि आरो रकेटखौ गावहरो। बेनि सोमोन्दै बिफाननि बुंथिगिरि भुषन स्टीफनआ टुइट खालामोदि, जॉनि सुथुरआ साहा फार्सेंनिफ्राय 12.04-2.45 रिगिसिमाव कामाननि गुलिखौ गावहरो आरो खोला फार्सेंनिफ्राय 2.20-

2.45 रिगिसिमाव रकेट गावहरो। अजारबेजानआ थांनाय रबिबारनि फुडव नागर्न काराबाखनि खोलाहा गाग्लोबो। फारनैथिजायनिफ्रायनो सुबुंफोरा थैयो। बेनि गेजेरजों शनिबारखालि अजारबेजाननि हादरगिरि इल्हाम अलियेबआ आर्मेनियानि सायाव दाय जाबसिन्नानै बुंदोंमोनदि, बिसोर अजारबेजानआव 2 रोजानिखुइ बांसिन न'फोरखौ खहा खालामो। मख'नो गोनादि, थांनाय दाननिफ्रायनो जेना गोनां ओन्सोलफोरखौ लानानै दरनै हादरनि गेजेराव दावहाया सोलियो। माखासे हादरआ नागर्न काराबाखखौ अजारबेजाननि बाहागो महैरे गनायो आरो बेनि सायाव आर्मेनियानि सुबुंफोरा बेंखन्नानै लायो। बे दावहायाव फार्सेंथिजायनिफ्रायबो दासिमाव 600 निखुइबो बांसिन जिउ खहा जाखांबाय। □

एन्जरजों बुंफबनाय गात्रि बिमुं मोन्दों आमेरिकानि दरसे सहरया

निउयर्क, 19 अक्टूबर : शिगाग 'सहरआव मोनसे बिमुंखौ मोनो हादों, जायखौ जायखि जाया सहरा मोन्नो गोसो जानाय नड। बे सहरआ एन्जरनि सहर बिमुंखौ मोन्नो हादों। एटलान्टिनि पेस्ट कन्ट्रल सार्थिस आर्किनआ बोसोरफ्राम 1 आगस्टनिफ्राय 31 सेप्टेम्बरसिम हा खुरग्रा जिबफोरखौ नायबिजिनानै दर



थानाय जायगाखौ संदानाय जायो। गोबां सुबुंफोर थानाय जायगायाव एन्जरफोरा थायो आरो खनसे एन्जरा न'याव हाबब्ला न' सिडवनो गोबां फिसाखौ जोनोम होयो।

सहरयाव एन्जर बांनायखौ सामलायनो थाखाय माखासे बोसोरनिफ्रायनो नाजानाय जादों। 2016 याव थागिबिफोरा एन्जरनि अन्जिमाखौ खम खालामनो थाखाय मावजिफोरखौ फिसिदोंमोन। आर्किनि बादिब्ला राइन्चो नाडे सुबुंफोरा न'याव थानाय आरो फालांगिखौ बन्द खालामनायनि समावबो एन्जरा खम जायाखे। आर्किनआ सांग्रांथि होदोंदि, एन्जरा बांलाबाय थागोन। मानोना गुसु बोथोरा सौफेनायजों लोगोसेनो एन्जरआ गर्म न'खौ नागिरो। □

साफ्रोम नोगोरारिफोरा करना टेस्ट खालामाब्ला गाहाय मन्थिआ बिबान एंगलायनो फोसावदों

ब्रातिस्लावा, 19 अक्टूबर : 7 दान बारलांबाय, अब्लावो करना भाइरास महामारि आ जोबनायनि लामा लायाखे। बे बाथ्राखौ माखासे हादतफोरा गोथीयै बुजिनानै बेखौ लानानै मोनफ्रोम जानो हाथाव थांखिखौ लागसिनो दड। बेनि गेजेरजों इडर 'पनि दरसे हादतआ नैथि दोहौनिफ्राय गावसोरनि साफ्रोमबो नोगोरारिफोरखौ रैखाथि होनो थाखाय मोनसे गिदिर थांखि लादों। इडर 'पियान हादत

स्लभाकि याआ थांनाय शनिबारखालि फोसावयोदि, बिसोर 10 बोसोर आरो बेनिखुइ बांसिन बैसोनि गासै थागिबिफोरनो करना भाइरास टेस्ट खालामनायनि खाबु होगोन। अदेबानि जायगानि खौरां चेनेलआ फोरमायनाय वाइदिब्ला, बेखौ थांनाय शनिबारखालि स्लभाकियानि गाहाय मन्थि इगर माटभिक आ फोसावदोंमोन। बिथानि वाइदिब्ला, हादतनाडै करना भाइरासनि केसखौ गोबाडै

बांबाय थानायखौ नुनो मोन्नाय जादों। बेनिखायनो गोबां अन्जिमायै टेस्ट खालामनायजों भाइरासखौ सिनायनाय आरो गोसारनायखौ होबथानाय गोबां मदत मोन्नो हागोन। लोगोसे बिथाडा गोबां अन्जिमानि सुबुंफोरा टेस्ट खालामजायाब्ला गाव गावनि मासिखौ गंगलायगोन होन्नानैबो बुंभावदों। बे अभियानआ हादतनि गासै 54 मिलियन एबा 54 लाख थागिबिफोरखौ कभार खालामगोन। □

सा करियानि जेलयाव कैदिफोरखौ उतरखार खालामनाय जायो:सुल्ले



प्यंगयंग, 19 अक्टूबर : आमेरिकायाव थानाय हिउमेन राइट वाचआ सा करियानि जेलाव जोबजानानै दोन्नाय कैदिफोरनि सायाव इनाय-अनागार खालामनाय बाथ्राखौ फोसावदों। बिबानगिरिफोरा गावसोरनि बाथ्राखौ मानिहोनो थाखाय सरासन्ना सुबुंफोरनि सायाव इनाय-अनागार खालामो। बिबानगिरिनि बिथोन होनायखौ मानियाब्ला जबरदस्तीयै जेलाव दोन्नो आरो साजा होयो। सुबुं मोन्थाय हान्जाया बुंदों सा करियानि बिजिननाय नेमखाथिया सुबुंफोरखौ मासे जुनातनिफ्रायबो खम मानियो आरो बेबादि आखु दिन्थिनायखौ दोनखोमानो सानो। सुबुं मोन्थाय फसंथानया दाबि दैखानोदि, गाव सा करियानि दर्जन कैदिफोर आरो बिबानगिरिफोरजों बाथ्रा सावरायदों। बेवहाय मोनथिनो मोन्नाय जादोंदि, जिम्मायाव लानाय समाव जेना गोनां थासारि सोमजियो। जिम्मायाव लानायफोरखौ लावथिजों बुंनाय जायो। बिसोरखौ हान्थु खरायना थाहोनाय जायो। बेबादिया 15-16 घन्टासिम सोलियो। माखासे खेब 100 निफ्राय बांसिन बार यार्डखौ गिदि खन होनाय जायो। बे समाव आखाय, लावथि आरो सामरानि बेल्टजों बुंनाय जायो। साजा मोन्नायखौ फुरा खालामा लासे बेरकयाव थाब्ला आखायफोरखौ जुथाजों गानाय जायो। बेवहाय आइजोफोरखौ जिनाहारि खालामनाय जायो। □

करनाजों ब्राजिलआव 1.54 लाख सुबुंफोर थैबाय

साउ पाउल, 19 अक्टूबर : ब्राजिलाव करना भाइरासजों सा 230 सुबुंफोरा थैबावनायनि उनाव बे जिउ फोजेबसांग्रा भाइरासजों थैनायफोरनि अन्जिमाया 1.54 लाखनि खाथियाव सौहैबाय। बेयाव बे महामारिजों दासिमाव सा 1,53,905 सुबुंफोर थैखांबाय। ब्राजिलनि सावप्रियारि बिफाननि वाइदिब्ला, हादतआव बे इन्फेक्सनि सा 10,982 गोदान केस मोन्नायनि उनाव बे भाइरासजों दासिमाव गोहोम गोग्लैनाय सुबुंफोरनि अन्जिमाया बारायनानै सा 51,35,344 जाहैयो। मख'नो गोनादि, बे हादतनि साओ पाउलोआव बे भाइरासजों बयनिखुइबो बांसिनै गोहोम गोग्लैदों। बेयाव कभिड-19नि खेफोदाव सा 10,63,602 सुबुंफोरा गोग्लैदों आरो सा 38,020 सुबुंफोरा थैखांबाय। करनाजों थैनायफोरनि केसाव ब्राजिलआ आमेरिकानि उनाव नैथि नाम्बाराव थाहैबाय। □

अखांमायाव मोनै बायखोन्दा ग्रहसाआ सौग्रावलायनायनिफ्राय रैखा मोनबाय



निउयर्क, 19 अक्टूबर: सोमजिखांगौमोन। मानोना बे मोननै बायखोन्दा थुखाया 1 घन्टायाव 52,950 कि:मि: खारलानानै गावजों गाव सौग्रावलायनो नागिरदोंमोन। 1256 जिएमटिआव मोननै अब्जेक्टआ गावजों-गाव खाथियाव दडमोन। मोननैबो अब्जेक्टनि मुंखौ कार्थस 2004 आरो सिजेट-4 सिआरबि दोन्नाय जादोंमोन। आथिखालाव कक्ष हांखोआव 10 से:मि:निफ्राय देरसिन 34,000 बायखोन्दा थुखा दं। मुलुगनि गिभि आर्टिफिसियेल सेटेलाइट स्पुतनिक-1 खौ 1957 आव बुहुमनि कक्ष हांखोआव लन्स खालामनाय जादोंमोन। बेनि उन्निक्रय गुबुन गुबुन हादरफोरनिफ्राय रोजा रोजा सेटेलाइटखौ दैथायहरनाय जाखांबाय। मुलुगनाडै अखांमा एजेन्सिफोरा बायखोन्दा थुखाखौ नोजोर लाखियो। □

जापाननि फुकुसिमा गुन्द्राया प्लान्टखौ लानानै मुलुगनाडै गिखांनाय फैदों

टकिअ, 19 अक्टूबर : जापाननि मोनसे थांखि लानायखौ फुरा मुलुगनि जरखाफोरा जिंगासिदों। बिनि जाहोना जादों फुकुसिमा टाइची निउक्लियार प्लान्ट। मख'नो गोनादि, बे प्लान्टया मार्च 2011 याव बांप्रि मावनाय आरो सुनामी जानायनि जाहोनाव सिलिंखार जादोंमोन। बेनि उन्निक्रय जापाननि मोब्लिब गोहो कम्पानी टकिअ इलेक्ट्रिक पावार कम्पानीनाव 10 लाख टन रेडियधर्मि दैया जमा जादों। आथिखालाव बे दैखौ लोथोमायाव हरगार हरगोनखौ सन्देह खालामनानै जरखाफोरा जिंगासिदों। जापाननि उद्यम मन्थि हिस्शी काजियामाआ बुंदों, सरकारआ दासिमबो बेबादि थांखि लायाखे। नाथाय थाबैनो बेबादि खालामनो हागौ। काजियामानि बादिब्ला, गुन्द्रासा प्लान्टखौ थाबैनो साखोन-सिखोन खालामनाया गोनांथार। बेनि थाखाय समाय सिमाखौ रोखा खालामाखे। जायगानि रिपर्टनि बादिब्ला जापान सरकारनि बोसोनगिरिया दैखौ लैथोमायाव हगार हरनो बाथ्रा



बुंदों, जायखौ सरकारया गनायना लाबाय। सरासन्ना महैरे बाथ्राखौ फोसावनायनि सिगां सरकारन हम्मग्राफोरजों लोगोसे बाथ्रा सावरायनो गोसो जादों। बिसोरनि जिंगा सिनायनि सायाव सावरायलायनो थाखाय मोनसे पेनेलखौबो दाफु नो बाथ्रा सावरायदों। 2021 याव जापानयाव अलिम्पिक गेम्स जागोन। सरकारआ बेखौ लानानै

बे रोखोमनि थांखि लादों। फुकुसिमायाव थानाय दैखौ बोखारना होनायाव माखासे सम नानो हागौ। अलिम्पिक खेलाया 2020 याव जानांगौमोन। नाथाय करनानि जाहोनाव बेखौ दोन्थ 'नादों। 2021 याव बेखौ फुकुशिमा निउक्लियार प्लान्टनिफ्राय 60 कि:मि: गोजानयाव खुंनाय जागोन। बेबादियाव गेलेगिरिफोराबो जिंगासिदों।

रेडियएक्टिभ कन्टेमिनेट वाटारखौ लैथोमायाव हगार हरब्ला जापानआ जेनायाव गोग्लैनो हागौ। ना हम्मग्राफोरा बेनि हेंथा जानो हागौ आरो न'सु हादतयाबो लैथोमायाव बिष गोनां दैखौ गारहर जानो गोसो जानाय नड। जापानयाव ना हम्मग्रा फसंथानआ गिबियावनो सरकारनो लाइजाम लिस्नानै बेबादि खालामनि आर'ज गाबदों। □

इन्टारनेसनेल एयार राइफल सेम्पियनसिपआव एलाबेनिलआ बाहागो लागोन

गोदान दिल्ली, 19 अक्टबर: आइजोफोरिन 10 मिटर एयार राइफल इभेनआव मुलुगनि सेथि शुटिं गेलेगिरि आरो भारतनि एलाबेनिल ब्लाबिबेन आरो साहु तुसार माने आ अनलाइननि गेजेरजो खुंजानो गोनां चेक रासेल इन्टारनेसनेल एयार राइफल सेम्पियनसिपआव भारतनि शुटिं हान्जाखौ दैदेनगोन। दिने बेनि सायाव भारतनि नेसनेल राइफल शुटिं संघनि बिबानगिरिआ मिबथिहोदो। बांलादेश शुटिं गेलेमु आफादिनि गेजेरजो खुंनो गोनां अनलाइन दुर्नामेन्टनि गायसनगिरि चेक मुजिब रहमान आरो आथिखालनि गाहाय मन्थि चेक हासिनानि फंबाय चेक रासेलनि जोनोम सानआव अनलाइननि गेजेरजो शुटिं सेम्पियनसिपखौ खुंनाय जागोन। एनआरएआइआ बुडोदि, वे दुर्नामेन्टआव भारतजो लोगोसे बांलादेश आरो मोन 7 हादरनि शुटिं गेलेगिरिफोर बाहागो



लागोन। बेनि गेजेराव भारतनि सेथि आइजो एलाबेनिलआ गावनि बाहागो लागोनखौ थियारि जादो। गुबुन फासिथि तुसार मानेआ सोलिफु 2020 नि थानाय 18 मार्चखालि सायख 'जानाय बादिदै' बे अनलाइन सेम्पियनसिपआव बाहागो लागोन।

गेजेरजोबो एलाबेनिलआ गावनि अनलाइननि गेजेरजो बाहागो लानो थियारि जादो। गुबुन फासिथि तुसार मानेआ सोलिफु 2020 नि थानाय 18 मार्चखालि सायख 'जानाय बादिदै' बे अनलाइन सेम्पियनसिपआव बाहागो लागोन।

अडिप्या एफसिनि गेलेगिरिफोरा ट्रेनिं खालामनायखौ जागायजेनबाय

पानाजी, 19 अक्टबर: फैगौ सिजननि 7 थि इन्डियन सुपार लीगनि गेलेनायखौ लानानै

गेजेराव आइएसएलनि गुबुन मोनसे हान्जा अडिप्या एफसिनि गेलेगिरिफोरा

नोजोर होनानै क्लाबनि गेलेगिरिफोरा गोखौ रैखाथिनि गेजेरजो प्रेक्टिस खालामनायखौ



दासान्दि क्लाबफोरनि गेजेराव दासान्दि गोखौ थियारि जानायखौ नुनो मोन्दो। बेनि

दासान्दि प्रेक्टिस खालामनायखौ दासान्दि सोलिनाय थासारिखौ

जागायजेनो लादो। क्लाबनि बाबानगिरिआ बुडोदि, भारतनि फुटबल हान्जानि लोगो कच

जेजे लालपेकुलुवाआ इस्ट बेंगल क्लाबआव गेलेनो गोरोबथा जाबाय

कलकता, 19 अक्टबर: फैगौ सिजननि इन्डियन सुपार लीगनि थाखाय बाहागो लागोन क्लाबफोरा दासान्दि गोखौ गेलेगिरिफोरखौ हान्जायाव लाबोनाया सोलिबाय थानायनि गेजेरावरो रबिबारखालि भारतनि नेसनेल फुटबल हान्जानि स्ट्राइकार जेजे लालपेकुलुवाआ एससि इस्ट बेंगल क्लाबजो गेलेनो थाखाय गोरोबथा



सिगां इस्ट बेंगल क्लाबआ आइएसएलआव गेलेनो थाखाय थिसनजादोमोन। अदेबानि आइएसएलआव गेलेनो खाबु मोनायाव इस्ट बेंगलआ हादरनि गुबुन सासे गोखौ स्ट्राइकारखौ हान्जायाव लाबोनाय आरोबाव हान्जाखौ गोखौसिन खालामदो। मिबथिनाय बादिब्ला, 29 बोसोर

बैसोनि जेजेआ हादरनि फुटबल हान्जायाव मोन 50 मुलुगनां फुटबल मेचफोरखौ गेलेबोदोमोन। 2011 माइथायनिफ्राय गावनि नेसनेल हान्जायाव गेलेनाय केरियारखौ जागायजेनानै जेजेआ बाडाइ बोसोरावनो गावनि गेलेनाय गोखौथिखौ दिन्थिनो हादो। जेजेआ दासिम गावनि गुबुन गुबुन हादरनि क्लाबफोरजो मोन 251 मेचफोरखौ गेलेनायाव 94 गलखौ होनो हानायाव जाफुसारदो। इस्ट बेंगल क्लाबआ जेजेजो लोगोसे स्कटलेण्डनि गेलेगिरि एबा डिफेन्डर डानि फक्स आरो जार्मननि मिड-फिल्डर भिल्ले मिन्तेखौबो हान्जायाव गोबां धोननि गेजेरजो गोरोबथा खालामनाय जादो। गावनि इस्ट बेंगल क्लाबजो गेलेनो थियारि जानायखौ आरो गोरोबथा जानायखौ गोजोनाय फोरमायनानै गेलेगिरि जेजेआ हादरनि गेजेराव एससि इस्ट बेंगल क्लाबआ गुबुन मोनसे गोखौ क्लाब होनानै बुडो। जेजेआ थानाय इन्डियन सुपार लीगआव चेन्नाइयान एफसिनि जानानै माखासे बोसोरसिम आइएसएलआव फारिये गेलेबोदोमोन। नाथाय गावनि थोखि बादिदै चेन्नाइयान एफसिजो गेलेनाय सोमोन्दोखौ नागासानै जेजेआ फैगौ आइएसएलआव गुबुन गोदान क्लाबजो गेलेनो थाखाय थियारि जादो।

आरो बारग' मुलुगनां गेलेगिरि स्टीबन डायसनि सिडाव गवानि मोनसे गेलेग्रा फोथारआव प्रेक्टिस खालामनाय जागायजेनगोन। दासिम हान्जानि माखासे गेलेगिरिफोरा प्रेक्टिस खालामनायखौ जागायजेनानै लानाया जोबोद गोनांथार। बेनि थाखाय गेलेगिरिफोरा गोसो होनांगोन आरो खस्थ' खालामनांगोन होनानै बुंबावो। मख'नो गोनांदि, फैगौ माखासे साननि गेजेरावरो इन्डियन सुपार लीगनि गेलेनाया गवानि गेलेग्रा फोथारआव जागायजेनगोन। मानोना बे खेबनि आइएसएलनि गेलेनायखौ गवाआव खुंनाय जागोन।

आइपिएलनि गेलेनाय जारिमिनआव नैथि खेब सुपार अभार

पान्जाब हान्जाया सुपार अभारआव मुम्बाइ इन्डियान्सखौ फेजेन्दो

दुबाइ, 19 अक्टबर: इन्डियन प्रिमियर लीग सुं'दै आइपिएलनि गेलेनाया दासान्दि हादरनि बाइजोआव एबा गुबुन हादर इउनाइटेड आरब इमारेटआव सोलिबाय थानायनि थानाय हरनि समाव गुबुन मोनसे मेचखौ मोननै हान्जानि गेजेराव गेलेनाया जोबोद सोमोनांथाव आरो जारिमिन जानायखौ नुनो मोन्दो। मिबथिनाय बादिब्ला, आइपिएलनि बे गेलेनाय मेचखौ रहित शर्मानि दैदेन्याय मुम्बाइ इन्डियान्स आरो केएल राहुलनि दैदेन्याय किंगस इलेभेन पान्जाब हान्जानि गेजेराव गेलेनाय जादोमोन। सिगां मुम्बाइ इन्डियान्सआ बेटिं खालामनानै 20 अभारआव मोन 6 उइकेट खोमानानै गासै 176 राननि टर्गेटखौ खालामनो हादोमोन। बे राननि टर्गेटखौ मोनायाव किंगस 11 पान्जाब हान्जाया गोखौ गेलेनो हानायजो मेचखौ देरहानायनि जोबथा अभारआव

मिजिं दइमोनब्लाबो नाथाय 176 रान खालामनायजो मोननै हान्जानि गेजेराव समान-समान जायो। अदेबानि मेच रेफारिआ थोजेइ सुपार अभारनि हेफाजाब लानांगो जायो। सुपार अभारनि गेलेनायाव किंगस इलेभेन पान्जाबआ सिगां बेटिं खालामनायाव मोनसे अभार एबा मोन 6 बलआव गासै 6 रानखौल' खालामनो हायो। फासैथि बलजो समान रान खालामनायखौ नोजोर होनानै रहित शर्मानि दैदेन्याय मुम्बाइ इन्डियान्सआ बे टर्गेटखौ बारनो थाखाय गोखौ गेलेनो नाजादोब्लाबो नाथाय बलरनि सोलो गोनां बलिं खालामनायजो गासै 6 रानखौल' खालामनो हायो। अदेबानि फिन गिवि सुपार अभारआव समान समान जानायजो आरोबाव नैथि सुपार अभारखौ लानांगो जायो। बे गेलेनायाव मुम्बाइआ सिगां बेटिं



खालामनानै गासै 11 रानखौ खालामनो हादोमोन। फासैथि पान्जाबनि गोखौ बेटसमेन क्रिस गेलजो लोगोसे मायां आग्रवालआ मिजिंथिजानायबादि गेलेनो हानायव बे मेचखौ

देरहानो हायो। अदेबानि बे गेलेनाय मेचआ आइपिएलनि जारिमिनआव मोनसे सोमोनांथाव गेलेनाय आरो रेकर्ड जानानै थारो। गेलेनाय समाव मुम्बाइ इन्डियान्सनि जानानै

गेलेगिरि डिक्कआ 53 रान, किस्न पलाइआ 34 रान आरो कुल्लर नायेलआ 24 रान खालामनो हादोमोन। गुबुन फासैथि पान्जाब हान्जानि जानानै केप्टेन केएल राहुलआ 51 बलआव 77 रानखौ खालामनो हादोमोन। दासिम आइपिएलनि गेलेनाया सोलिबाय थानाय मेचफोरनि गेजेराव गोबां रान खालामनो हानायजो केएल राहुलआ बे सिजनआव बांसिन रान खालामनो हानाय गेलेगिरि जानो हादो। मेचखौ देरहानानै पइन्टनि फारिलाइयाव किंगस इलेभेन पान्जाबआ 6 थि सारिआव जायगा लादो आरो जेन्नाय मुम्बाइ इन्डियान्सआ दासिम नैथि सारिआव जायगा लानानै दइ।

गेरेट बेलनि गल होनाय हेफाजाबजो टटेनहमआ मेचखौ ड्र लाखिनो हादो


लन्डन, 19 अक्टबर: मुलुगनि गेजेराव क्लाबफोरनि गुबुन मोनसे मिबथिसार जानाय फुटबल लीग प्रिमियर लीगनि बे सिजननि मेच गेलेनाया हान्जाफोरनि गेजेराव सोलिबाय थारो। बेनि गेजेरावो प्रिमियर लीगनि मैया गेलेनाय मोनसे मेचखौ टटेनहमआ मिजिंथिजानाय गेलेगिरि गेरेट बेलनि गल होनाय हेफाजाबजो मेचखौ 3-3 गलआव वेस्ट हर्मिन हेंथायै ड्र लाखिनो हादो। गेलेनायनि सिगां समाव वेस्ट हमआ बांसिन आरो गोखौसिन गेलेनायनि गेजेराव खाबु मोनानै फारियै मोननै गलखो होनो हादोमोन। बेनि उनाव टटेनहमआ मेचखौ गोखौ गेलेनायनि गेजेरजो जोबथायाव गेरेट बेलनि गल होनाय हेफाजाबजो बे मेचखौ सोलायहोनो हायो। टटेनहमनि जानानै सन थ्युन आरो हेरि केनआ



मोननै गलखो होनो हानायनि उनाव थामथि गलखो गेरेट बेलआ होनो हादोमोन। मख'नो गोनांदि, थानाय सिजनआव गेरेट बेलआ रियेल माद्रिद क्लाबनि जानानै गेलेदोमोन। नाथाय सेम्पियन्स लीगआव जेन्नाय


फिथाइखौ लानानै हान्जाया बिखौ गोनांथि गेयेबादि नोजोर होनायाव गेरेट बेलआ टटेनहमजो गेलेनो गोरोबथा जायो आरो दासान्दि प्रिमियर लीगआव हान्जानि मेच गेलेनायाव गोनांथार बिबान लानानै दइ।

सिमना जेंना आरो करना खैफोदनि समावनो लाहाखयाव बांग्रि मावदो



गोदान दिल्ली, 19 अक्ट 'बर : चीनजो सोलिनाय सिमनानि जेंना आरो करना खैफोदनि गेजेरजो लाहाखआव बांग्रिनि मावखानायखौ हमदानो हादो। दिने (19 अक्ट 'बर) फुडव फेनाय बे बांग्रिनि गोखैथिखौ रिक्टर स्केलाव 3.6 यै सुनो मोनाय जादो। खौरां एजेन्सि एएनआइनि बादिब्ला, बांग्रिया फुनि 4 रिगा 44 मिनटआव फेयो। बे बांग्रियाव रावनिबो जिउ ख'हा जानायनि खौरां मोनाय जायाखै। माखासे साननि गेजेराव जानाय बेयो नैथि खेब, जेब्ला लाहाखआव बांग्रिनि मावखानायखौ हमदानो हादो। बेनि सिगां 8 अक्ट 'बरनि फुनि 9.22 रिगायाव बांग्रिनि मावखानायखौ हमदानो हादोमोन। नेसनेल सेन्टर फर सीस्मलजनि बादिब्ला, रिक्टर स्केलआव बांग्रिनि गोखैथिखौ 4.2 यै सुनो मोन्दोमोन। बेबायदिनो 7 अक्ट 'बरव मणिपुरनि उखरुल जिल्लायावबो मावखानोमोन। फुनि गासै 3.32 रिगाया बांग्रिनि मावखानायखौ हमदानो हादोमोन। रिक्टर स्केलआव बांग्रिनि गोखैथिखौ 4.3 यै सुनो मोन्दोमोन आरो बे बांग्रिनि मिरुआ हा सिनि 10 कि:मि: गोथीयावमोन। मख'नो गोनांदि, सिमनानि जेंनाखौ लानानै लाहाखआव भारत आरो चीननि साथिफोर मोगा-मोगि जादो। मोनैबो बाहागोयाव सिमनानि जेंनाखौ बोसोनां थाखाय माखासे राउन्डनि सावरायखांबाय। नाथाय अब्लाबो चीनआ गावसोरनि आखुनिफ्राय दोरोइआखै।

जम्मु-काश्मीरखौ चीननि बाहागो दिन्थिनानै टुइटारआ जेंनायाव गोग्लैदो



गोदान दिल्ली, 19 अक्टबर: टुइटार इन्डियाआ मोनसे मान सावगारियाव जम्मु-काश्मीरखौ चीननि बाहागो होनानै दिन्थिदो। माइक्र ब्लगिं साइटनि बेबादि होनायनि उनाव अजद होनाया जागायदो। अब्जाभार रिसार्च फाउन्डेसननि कान्चन गुप्ताहआ बे आयदाखौ लानानै टुइटार खालामदोदि, टुइटारआ

मान सावगारिखौ सोलायनो थोखि लाबाय आरो जम्मु-काश्मीरखौ चीननि बाहागो होनानै फोसावदो। बेयो भारतीय आइनखौ सिफायनाय नडाब्ला मा बेलाय ? आमेरिकानि कम्पनीआ आइन्विइबो जौसिनआव नामा ? गुप्ताहआ टेलिकम एबा आइटी मन्थि रबिशंकर प्रसादखौ टेग खालामदो। गोबां इन्टरनेट इजजारफोराबो

सरकारखौ टुइटार इन्डियानि हेंथायै राहा लानो खावलायदो। सासे इजजारआ लिरदो-ससिएल मिडियानि मुंदांखा कम्पनीफोरनो बेबादि अगियान आखुनि थाखाय फिन्नायखौ होथारनांगो। गुबुन सासे इजजारआ लिरदो बिसरो भारतनि सबारेन्टखौ लाजिफोनानो हाया। टुइटार इन्डियानि हेंथायै राहा लानांगो।